



門中記
第 82
卷 49



幼科證治準繩集之五

痘瘡中

起發證治

萬痘瘡之證熟三日出三日後方起發此常論也蓋
 先出者先起後出者後起痘疎毒輕氣稟厚者自易
 出易發易靨痘密毒重氣稟薄者自難出難發難靨
 未可拘定日數時師不知虛實補瀉之理但於起發
 之初便用補脾果肉氣不足少食者用之允當若肉

金壇王肯堂宇泰甫輯

心部三



實便秘能食之人寧不黨邪為惡乎非徒無益而反害之。痘瘡之出有輕有重觀其形狀即可知之如一發便出盡者必重也瘡夾疹者半輕半重也出稀者輕裏外微紅者輕外黑裏赤微重也外白裏黑者至重也瘡端裏黑點如鍼孔者勢劇也青乾紫暗昏睡汗出煩躁熱渴腹脹喘喘大小便不通者困也善用藥者能使輕者易安重者不致大困斯可謂之十全矣。凡痘瘡疎則無毒密則有毒痘疎毒少者邪不勝正其氣和其勢順不須服藥痘疎密佈散邪正相持其氣病其勢險此宜抑邪扶正使邪氣亟奪不

為正氣之賊痘稠密無縫正不勝邪其氣乖其勢逆善治者什可救其二三不善治者束手待斃而已故順者不必治逆者不可治險者貴治此以下專言險逆者之證治也。痘子輕者作三四次出大小不一等其起發亦先後循次大小分明不相連串顆粒尖圓根窠紅活光壯肥澤此表無病飲食如常小太便清潤此裏無病表裏無病大吉之兆不須服藥。凡痘密者多難起頂但欲皮厚有膿漿色以燈影之苟非皮薄水泡光潤雖平亦無傷。凡痘子出得稀疎者自然易發易靨不可妄治若瘡

稠密常患其發不能透宜細視之但紅活不甚長大者氣不足也用四君子湯合勻氣散加燒人尿治之如焮腫色帶紅紫者血熱也用四物湯失血合消毒飲見形加燒人尿治之如不潤澤而乾者此血弱也用活血散加消毒飲與之如不起發不紅活平瘍灰白者此氣血俱虛也用十全大補湯汗加燒人尿牛蒡子與之如有青乾者內服快癩湯見形加燒人尿合奪命丹見形與之外用四聖散痘疔合臙脂塗法或或用胡荽酒俱見形或用水楊湯浴法務求光壯紅活而後已如中間有成水泡者防其癢瘍宜先補脾胃

疎風瀉火使肌肉實不作癢可也十全大補湯汗加防風大力子中主之疥子起發只以出勻為期不可拘定日數瘡出以漸其發亦以漸謂之適中若已一齊湧出便皮肉虛腫一齊焮發者此表氣虛毒氣奔潰而出表虛不能收斂必生癢瘍或成潰爛急宜救表十宣散調無價散活血散合消毒飲相間服之若出已盡當起不起或起不透此裏氣虛毒氣留伏壅遏而不出必增煩躁腹滿喘促或後為癰毒急宜救裏十全大補湯合勻氣散或參苓白朮散調無價散服之痘至四五停

痘至四五停

住不甚起者少後力宜助之用生黃耆參伍錢人參
貳參錢當歸鹿茸壹貳錢煎服或磨入木香少許兒
大者倍之俟漿滿足而止

十宣散 見形

活血散 卽芎歸湯

當歸

川芎 各等分

右爲細末每服壹錢紅花湯調服

消毒飲 見形

十全大補湯 汗

勻氣散 見形

參苓白朮散 渴

無價散 剉麝

參耆四聖散 治痘瘡已出六七日不能長不生膿

或癢塌

當歸

芍藥 炒

黃耆

川芎 各伍分

白朮

茯苓

紫草 如無紅花代之

木通

防風 各叁分

糯米 貳百粒

右水煎母同服

胎元散 痘不起發不紅潤是血氣俱虛

胎元焙乾爲末加麝香少許酒調服叁伍分

獨參湯 治陽氣虛弱痘瘡不起發不紅活或膿清

痘瘡 痘瘡 痘瘡
不滿或結痂遲緩或痘痕色白或嫩軟不固或膿
水不乾或時作癢或畏風寒
用好人參壹兩生薑伍片大棗伍枚水二鍾煎八
分徐徐溫服嬰兒乳母亦服

乾枯灰白紅紫青黯丹如將出成就之際却色淡不
正者屬血虛宜用補血藥當歸川芎白芍酒洗之類
或加紅花如將成就之際却色紫不正者屬熱宜
用涼藥解毒升麻芩連桔梗連翹之類甚者用犀角
屑如用後項諸藥色仍不
正者宜兼用二法治之痘瘡之毒必氣以响之血以濡之而後可得成熟也

故於起發之時光壯者氣有餘也肥澤者血有餘也
氣血有餘表裏俱和不須服藥如形長大而色枯燥
者此氣至而血不榮也宜四物湯失血加人參麥門
冬色紅潤而形平陷者此血至而氣不充也宜四君
子湯不能食加黃耆官桂川芎形平陷色枯萎者此氣
血俱不足也宜十全大補湯汗合無價散倒磨主之
色灰白者氣虛也四君子湯加黃耆當歸官桂色紅
紫者血熱也四物湯加紅花地骨皮牡丹皮
凡痘瘡起發遲滯頂平色灰白者氣虛也其人平日
食少脾胃不足人參白朮散湯去葛根加桂十全大

補湯汗去地黃加木香主之如曾有吐瀉以致氣弱者四君子湯不能食合益黃散脾主之瀉未止者四君子湯吞肉荳蔻丸泄利甚者陳氏木香散主之泄利若紅紫色焮腫者血熱也四物湯失血合消毒飲見形加紅花外用臙脂塗法見形解之乾枯者血虛也四物湯加入參麥門冬地骨皮外用臙脂塗法水楊湯浴法灰白另立門在下卷起發之時根窠紅活形色潤澤者此血隨氣行灌注諸瘡自然紅活肥澤不須服藥如雖起發乾枯無水謂之不肥澤帶青紫黯色謂之不紅活其變為黑陷

乃血虛也四物湯失血加入參及麥門冬紫草紅花間進調無價散倒盤或吞服奪命丹見形外用臙脂塗法見形

水楊湯

水楊柳五觔淨洗春冬用枝秋夏用枝葉剉斷用長流一大釜煎六七沸先將二分中一分置浴盆內以手試不甚熱亦不可太溫先服宜用湯藥然後浴洗漸漸添湯以痘起發光壯為度不拘次數祛邪湯 痘號天花最忌諸穢臭惡血五六朝間痘本美麗鼎峻而一時失防或觸於腥血或感於穢

痘疹 具條忽更變外宜祛邪湯浴之而內服玉樞正氣丹可也

雞毛 拔細軟者

升麻

荆芥

木通

紫蘇

荔枝殼

水楊條

右用冰煎濃去渣洗浴

玉樞正氣丹

玉樞正氣神功捷生地紅花併甘桔參耆須倍橘紅扛蟬蛻防風義愛覓寅谷相朝嫩桃杪五箇和薑甘草列煎濃投酒服須臾不覺痘自還元吉

痘性起發之時不徐不疾以漸長大尖圓磊落光壯

堅實根脚紅活此氣充足戴血而行透徹諸瘡自然尖圓光壯不須服藥如雖紅活頂平中陷不成尖圓色嫩皮薄不能堅厚其變為癢癩為留伏壅遏乃氣虛也四君子湯不能食合勻氣散見形加黃耆官桂或人參白朮散渴加黃耆官桂防風或調元湯大法加官桂防風白芷荆芥穗或十全大補湯汗去地黃加防風白芷或十宣散見形皆可用若瘡皮薄色嬌淫淫如濕者此氣不勝血宜補氣涼血四君子湯四物湯去川芎地黃加黃耆官桂防風荆芥穗如浮囊

虛起殼中無水者此氣不依血血不附氣其變為癢
癩為癰腫十全大補湯去白朮加大力子連翹防風
燒人尿痘瘡起發尖圓為貴如四圍起中心平陷
者此有二種有血化成水四圍高起心中略低凹者
俗呼為茱萸豆此中氣不足發未透徹故耳能食者
至養漿之時盡充滿而起矣不能食者宜扶中氣人
參白朮散主之有四圍沸起中心落陷無水猶是死
肉其形如錢宜急攻之若待漸變黑點不可為矣此
名鬼痘四君子湯合九味順氣散加燒人尿或紫草
飲出不快或紫草飲子連進服之外更用臘脂塗法見

出疥後痘有小孔自頂直下至脚不黑不白與痘
色相同名為蛙痘皆因表虛而腠理不密成此證也
失於早治大泄元氣不起不發禍不旋踵急用保元
湯下生糯米川芎肉桂丁香其孔自密甚為捷徑連
進二三服必待孔閉而痘自起孔若黑色則為丁矣
頂陷色白皮薄晶光者氣虛也大下保元倍加酒
炒黃耆肉桂川芎丁香茯苓皮人乳好酒進之
九味順氣散又名勻氣散

白朮 白茯苓 青皮
白芷 陳皮 烏藥

人參各伍分

甘草各貳分半

木香壹分半

右剉細水一盞煎七分去渣溫服

紫草飲子

紫草茸

人參

白芍藥

蟬蛻

甘草

穿山甲土拌炒各等分

右剉細用水一盞煎五分作三四次溫服

內托散 治痘瘡毒根在裏頂陷灰白色不起發根

窠不紅內托毒化立驗

人參

甘草

肉桂

白芷

白芍藥

川芎各壹兩

黃耆壹兩伍錢

桔梗

防風各貳兩

川當歸伍錢

木香貳錢

右水煎服 瀉加訶子肉肉荳蔻 有癍減肉桂

加紫草酒炒黃芩黃連牛蒡子之類

治痘塌陷不起迴陽丹

此方用於四五朝前其效甚速若用於六七日後則噬臍矣製法將彌月將生胞羊酒洗淨隨用黃麻纏籠一團把臘糟裏外置新瓦上四圍炭火炙之俟其外糟焦了如墨樣削去其糟再焙乾另為末入官桂末丁香末各伍錢人參末壹兩木香末

參錢再研極細升麻煎酒漿調服十歲以上服二錢十歲以下服一錢十五歲以上服三錢年多服多年少服少加減而用無不獲効若加大附子壹兩去木香則爲附子迴生丹胞羊須預囑屠肆遇便收製若特殺傷生大不祥

頂痘瘡起發有心中凸起四圍乾平無水者或裏紅外黑者此由平日感受風寒皮膚堅木以致痘毒鬱而不散宜桂枝葛根湯初熱十宣散見形以散表邪外用水楊湯浴之見前

粘連痘瘡起發貴於顆粒分明如其彼此相串皮腫

肉浮或於本痘四傍旋出小痘攢聚胖長漸成一塊此候最重宜以快癩湯合消毒飲俱見加燒人尿服之更宜禁忌以防癢癢之變

陷伏凡痘瘡以起發光壯紅活肥澤爲順若將起發之時中間有乾黑不起者須急治之不可因循以致傳變加多不可救藥矣

痘瘡內而不出謂之伏外而復入謂之陷瘡痘黑陷當分四證

一則感風寒肌竅閉塞血凝而不行必身痛四肢微厥癩點不長或變黑色或青紫癰疹此爲倒伏也宜

溫肌發散桂枝葛根湯初熱加麻黃蟬蛻或以紫草
飲快出不吞奪命丹見形外用胡荽酒噴之須令溫散
寒邪然後熱氣復行則其癰自長矣

二則毒氣太盛內外蒸爍毒復入裏必心煩狂躁氣
喘妄言如見鬼神大小便秘渴而腹脹此為倒陷伏
也病邪輕者宜利小便解毒連翹湯通關散俱便甚
者以百祥丸牛李膏俱黑以瀉膀胱之毒令陽氣復
還脾胃溫暖服之身溫欲飲水者可治是脾強勝腎
陷者當復出矣若加以寒戰身冷汗出耳尻反熱死
然百祥丸太峻今以宣風散發熱三乙承氣湯便閉

代之外以水楊湯浴之見前

三則內虛而不能使陽氣以副榮衛者出而復沒癰
點白色或黑色其人必不能乳食大便自利或嘔或
厥此胃虛而不出謂之陷伏也宜用溫中之劑令其
胃煖榮衛復行則當自出矣宜調元湯大法加丁香
官桂理中湯泄利加黃耆官桂甚則陳氏木香散泄
利異攻散快出不皆可用也外用胡荽酒見形噴之或
因誤下之後毒氣入裏而黑陷者則宜溫養而表出
之先以理中湯溫養其裏後以桂枝葛根湯疎解於
表也不出再加麻黃

宣風散
百祥丸

四則被房室等雜穢惡氣衝觸而黑陷者則宜熏解
之內服紫草飲子見前外用胡荽酒噴之及茵陳熏

法餘詳前禁忌條內

茵陳熏法
用乾茵陳研末搗棗膏和丸如雞子大曬乾烈火
燒煙熏之

大便痘瘡自起發之後大便常宜堅實緣小兒脆弱
身熱而大便不通者則易實大便自利者則易虛雖
四五日不便無憂也不能食者聽其自便賴舊穀氣
為養至五日後則膿成毒化解利之劑可用也能食

者三日後不通不腹滿不裏急後重則亦不必攻之
可用膽導法便閉導之不通以當歸丸便閉微令潤
過使氣道升降無壅遏之患不可妄下凡能食者
大便喜潤賴新穀以為養而舊污之不留自然臟腑
流利血氣和平不可妄用溫補反增裏熱之證胃
主腐熟水穀大腸主傳送已化之物故食多少可以
知人穀氣之虛實大便滑澀可以知人臟腑之冷熱
大便如常是亦瘡疹之一順也如起發之時忽然泄
瀉此宜急止之恐腸胃虛真氣脫也須辨冷熱虛實
如瀉而手足冷面色青白瘡不紅綻者冷證也理中

湯丸豆蔻丸俱泄益黃散脾甚則陳氏木香散泄利
異攻散快出不皆可用也瀉下之物黃又酸臭渴手足
心熱面赤瘡紅綻焮發者熱證也黃芩湯泄利五苓
散驚搖主之脾胃怯弱精神慢而不食者為虛當溫
養之益黃散身熱中滿渴而不食者為實當清利之
五苓散其人或臑氣自脫或因服寒藥致令瘡毒陷
入大腸瀉下如豆汁或便膿血或便黑汁口內臭氣
唇焦目閉加腹脹者必死之證方論詳泄瀉本門
不二散治痘當起脹灌漿時泄瀉不止以此止之
只一服瘡如服此不巳是元氣已脫不可為矣

蓮肉炒去心真鴉片錢
右各取淨末和勻每服三四分米飲調下此方
不但止瀉亦治煩癢二證夫固太腸之滑脫易知
也欽心火之浮游難知也

手足痘瘡起發欲透惟四肢稍遠難得均齊必脾胃
素強能食多者不須慮此若脾胃素弱又食少者手
足上瘡常發不透蓋脾主四肢脾虛則不能行其津
液澆灌四肢所以發遲以補脾為生快瘡越婢湯如
不令透其後手足必作癰毒又手足瘡痘多發水泡
者此肝乘脾也先瀉肝羌活湯發熱加柴胡後補脾

人參白朮散渴去葛根加桂如見而復隱起而復塌
色紫黑者此腎乘脾不可治
快癩越婢湯

黃耆炙

白芍藥

桂枝

防風

甘草炙

右剉細加生薑一片棗一枚水煎溫服不拘時

頭面屬陽瘡疹亦屬陽以類相從故出現起發
收磨自頭面始升生浮長陽之性也痘瘡起發頭面
以漸腫大升生浮長之性不須憂恐只要瘡子磊落
紅活光壯肥澤待至成膿之後毒化結痂而腫亦漸

消矣如瘡粘連通串模糊成餅者又要紅活潤澤以
快癩湯消毒飲並見合而飲之或消毒化癩湯以解
其毒更以甘桔湯咽喉加牛蒡子相間與之以利咽
喉寬胸膈冷飲食無阻也又以神應膏護目見形若
灰白青黃乾燥瘡面膚起者皆死證也其頭面腫有
不閉目者毒淺而輕有閉目者毒深而重亦待瘡熟
腫消而目自開若瘡未成腫消目開者此陷也勿治
消毒化癩湯

升麻

柴胡

桔梗

甘草

龍膽草

牛蒡子

連翹

防風

蟬蛻

密蒙花

右剉細加淡竹葉十片水一盞半煎一盞去渣食後服

凡將起發頭面預腫者此時行疫癘之氣名大頭瘟其毒最酷急用羌活救苦湯解之

羌活

白芷

川芎

蔓荆子

防風

桔梗

黃芩

大力子

連翹

升麻

人中黃各等

右剉碎加薄荷葉七片水一盞煎七分去渣食後溫服

痘疹痘疹之毒自內而出冲突氣血發散腠理初出一點血乃身中氣血被毒驅逐現於皮膚之外其成形者氣也成色者血也毒火太甚煎熬氣血先至之氣則削矣血則枯矣氣削血枯腠理反閉毒不得出未免復入於裏遂成陷伏時以以黑瘡子為痘疔又曰鬼痘者深惡而畏之詞也此乃毒氣鬱遏非外感風寒內虛吐利雜氣觸犯者可比古人立方如大小

便秘腹脹煩躁者則下之但大小便秘者則利小便
解毒自利者以瀉膿血為順水穀為逆却不立方以
毒雖入腹皆瀉出也攻之則無所攻補之則不可補
昏悶不醒者用龍腦膏黑留以去心中之邪枯黑不
起者或內用無價散到醫以解在裏之邪或外用水
楊湯見前四聖散痘疔臙脂塗法見形以解其表使
邪氣得出皆良法也為工者合下即下合利即利合
發即發或解其裏或解其表應變出奇勿泥常法可
也

發泡痘瘡發泡亦與黑陷相類外出入雖不同而

毒氣壅鬱則一也或發水疱或發血疱或赤或紫或
黑但見此證十無一生然亦有似是而非者不可不
辨其人身原上原有灌瘡或破傷瘡未痊或雖痊瘡痕
尚嫩一旦痘出則瘡癩四圍痘必叢集者物從其類
之理也發生之後必然作泡者腐敗皮肉氣色先變
宜與完膚有別也治此者先以鍼刺破吮去惡血後
以臙脂塗法見形合百花膏收醫傳之此瘡又易作
癢起發之後常宜以茵陳熏法見前重之勿令爪傷
若被爬搔則反覆灌爛淹延不愈變為疔蝕壞瘡以
致不治者多矣 表痘起六七朝膿漿未曾充裕頭

痘疹起發 痘疹起發 痘疹起發 痘疹起發 痘疹起發 痘疹起發 痘疹起發 痘疹起發 痘疹起發 痘疹起發

面身背或手足關軸遽起水疱或似葡萄樣或似鷓
子大或如被單懸蓋因肝榮不能以資滷而肺金竊
勢以凌侮準服三化丹歌曰七朝泡起勢相凌三化
丹中二味金白木茯苓俱或兩四般法製用工深一
兩要同歸酒浸一兩和却乳參蒸一兩再和雄附煮
一兩分與炒米停爲末必須甜醴服自然泡裏注黃
金痘裏起泡多患乎膿漿不能充灌若虛泡結軸十
中八九泡內微有膿漿滋養元氣振撥兩儀寒剝之
劑毫不可投或單用渾天湯和人參酒服但恐癢作
而泡潰死在旦夕耳

起發不透痘疹起發欲透磊落尖圓光壯肥澤者土
也根脚橫開皮起水漲者次也頂皮不起根脚不開
猶是先出之形不見新生之水此謂起發不透審查
證候如氣本實者必曾感風寒以桂枝葛根湯初熱
合奪命丹見形發之如氣本虛必不能食或吐利以
人參白朮散渴合奪命丹以補中氣而發表邪如欲
成陷伏者依前四法治之若時日已多發猶不透或
煩躁不安者此毒熱在裏心惡熱以導赤散心送服
牛黃清心丸痘煩以解散熱毒道引心火也或啼哭
者凡人五臟平和則神宇安靜今五臟蘊毒內外蒸

鬱神不安舍以導赤散送服安神丸痘謔使鬱熱解
散神宇清快也若謔言妄有見聞時狂叫者此五藏
熱毒蘊積陽氣獨盛無陰氣以和之大便秘不利以
當歸丸便閉微利之再行膽導法便閉使無留滯易
快利也甚則三乙承氣湯主之便閉若昏不知入腹
脹喘呼死證也

雞鳴散 男女發熱三四五日或痘未形或痘形隱
隱或纒形於外而不能快利或煩躁謔語或腹疼
嘔吐或痰喘惡渴急服此藥則毒自表出矣

炒木

當歸

川芎

甘草

大力子

茯苓

木通

桔梗

蟬蛻

升麻

橘紅

山查

紅花

燈草生薑煎臨服入雄雞血并酒妙

震蟄丹 小兒熱三四朝痘或隱隱伏於皮膚或形
於頭面一二顆或標於身體四五顆上不宜補下
不宜瀉當服震蟄丹穿山甲肆錢酒洗淨和砂仁
陳米炒捲去砂仁米用白芍酒漿煮焙肆錢紅麴
參錢蟾酥參錢和勻共研細為末每用酒漿量兒

大小增減大者一分小者半分若踰十二三歲者
斟酌加之用升麻煎酒調服其効立見

天元接髓丹

男子十七八歲或二三十歲破陽虧

元條一時患痘稀少者雖年大無妨倘多密連布
欲其鼎峻充灌勢必難矣急服天元接髓丹

歌曰男兒陽破痘來臨不遇奇方坐視沉天元接
髓丹功捷世上醫家盡不明真正酒漿澄十碗一
毫酸苦莫相侵人參黃耆各貳兩橘蟬歸地半加
羸鹿茸乳炙壹兩半附桂半兩要調停慢火甕中
煨熟後去渣出火莫胡斟每鍾人乳三杯和薄薄

生薑二片存再勻一沸仍溫服立建奇功若有神
此方屢獲明効但製法要詳明當歸去頭尾懷地
揀麤軟人參覓清河黃耆選綿白橘紅連本蒂蟬
退要身全附子連皮臍官桂削外皮煨時度候只
以米熟驗之人乳取來就不宜過夜入塵辛酉年
杭城邵語溪子年二十六歲平素寡弱患痘痘勢
沉匿不起單以此方倍加人參服之竟後保全
內托散 痘不起發根窠不紅或灰白色咬牙寒戰
等證

人參

黃耆

甘草

川芎

當歸

防風

白芷

桔梗

白芍

厚朴

木香

肉桂

右薑一片棗一枚水煎服色紅紫者去肉桂木

香加紫草蟬退漿不滿水酒各半煎服色淡

白者去防風白芷加糯米太便燥加入乳

治孩兒百日裏痘歌曰全蝎要身全五箇蜜焙乾蟬

蛻不可脫完身又完足五箇酒漿洗和炒研細末

再加酒芍藥砂糖調來服自然痘森森那怕月不

足月裏患痘稀美者多密惡者少變蒸未踰猛

浪之劑不宜妄投是方斟酌百投百効

痘至五六朝忽然手脚牽縮一團不知者以為驚使

然耳豈知陽明受梟毒之熬鑠而筋絡不能榮血以

滋養故也謂之一把縛須服羚羊散歌曰

白玉羚羊壹兩霜木通紫草生地黃芍藥殭蠶全

蝎桔橘紅甘草荆芥防按法服來隨妥貼誤看驚

治即多傷此痘多起於四五六朝則為是若起

於兩三朝則為驚縮若起於八九朝則作寒戰治

之可也羚羊角必取其銳尖處用之

陽毒七日前陽毒者凡瘡也以兒未出痘之先或生

疥瘡有形窠而成膿因而發熱出痘者或凡瘡未痊
因而出痘者或凡瘡方結成癩因而出痘者蓋凡瘡
未痊及初結癩處肉分必虛毒趨虛處而出故陽瘡
陽毒雜為一黨氣血俱盛則易成漿氣血衰弱則枯
燥乾紅與諸瘡俱不成漿治法與頂陷同

起發最忌泄瀉故特著之其他證候如發熱痛癢腹
脹煩躁譫妄等各有本門宜就彼中查之茲不贅叙
起發吉凶痘瘡放標以後漸漸起脹先出者先起後
出者後起微紅光澤根窠明潤面目漸腫能食無雜
證者吉太抵痘脹一分則毒出一分至六七日不

盡脹又黑色者死鼻有涕口有涎眼有淚者可治
俱無者大凶凡痘子已出自放標之日算起如當
起發不應有漿先有戴漿者如當作漿不應收靨便
有乾收者此皆惡候治之無功口唇者脾之外候
人以脾胃為本不宜受傷如初發熱唇焦裂者此毒
發於脾便宜用瀉黃散解之不知早治痘子之出叢
集於唇及至起發之初諸痘尚未試漿此痘已熟內
帶黃漿者此惡候也待諸痘成漿此瘡已靨唇皮揭
脫漸變嘔食澀水昏睡而死矣太抵起發之初瘡
頭便戴白漿者不分何處並非佳兆不特口唇為然

蓋痘瘡初出一點血血化為水水化為膿膿成而毒解此自然之序也若初出之時半是水疱或纔起發便有帶漿者或未成膿即乾收者火性躁急失其自然之序不應至而至所謂早發還先萎也此毒火所為倏忽之間談息氣盡而死矣 痘瘡最要以漸起發磊落紅活如一發都起無復顆粒模糊串連不紅活帶灰白色面上浮腫如錫餅形此惡候也其人能食大小便如常無它證候者吉若食頓減或原不能食者凶 凡起發之時痘瘡稠密又見陷伏煩躁狂叫之證或口中出臭氣者此毒火熏煎肺爛胃敗之

氣也或不飲食失聲者此咽喉腫爛也寒戰咬牙者邪傳腎也或悶亂者神已喪也或體寒者陽脫也或嘔或瀉者腸胃俱敗也經云五藏氣絕於內者利不止六府氣絕於外者手足厥凡見已上諸證者皆不可治

五
五
二

灌漿證治

葛痘瘡初出一點血只成小小血疱起發則漸長大血化成水為水疱至水疱轉作膿疱始成實矣成實之時却要箇箇成膿肥澤飽滿根脚紅活又蒼蠟色如此者可以刻定日數而知收靨之期 痘瘡初出或中心陷下者或頂平者或根窠白色者其人能食或治不乖方以至起發之後陷者盡起平者復尖白淡者變紅活窠中血水已化為膿夫陷起平尖起發可謂透矣紅活飽滿氣血可謂足矣水化為膿毒亦解矣表無癢痛之證裏無吐瀉之證是表裏又無病

痘疹
五十五
矣如此者坐待收靨不可妄投湯劑 痘子輕者常
作三四次出有大小有先後起發亦作三四次先出
者先起後出者後起大者自大小者自小亦如初出
之樣待至養漿則先長者先作漿後長者後作漿太
小亦如之磊落分明不相粘連者上也痘子密者長
大胖壯以至作漿未有不相串者只要陷者盡起無
處不透轉成膿漿次也膿成之後毒氣已解無復留
伏矣 人言痘瘡只到成膿則毒氣化解便稱無患
不知膿亦有凶有吉如瘡皮堅厚膿漿渾濁約束完
固無少破損此真吉兆若瘡皮軟薄膿水清淡滲漏

禁忌

淫濕易於破損此猶凶也惟瘡久熟時日已過當靨
不靨者則膿復化為水皮亦易破勿依此論
痘瘡起發之初已當避風寒遠人物節飲食守禁戒
到此養漿之時比之起發尤加謹焉可也蓋前此人
病未久氣血猶強足以禦垂戾之變至此則氣耗血
虧精神減損少有垂戾不能任之况瘡始成就尤易
觸犯不可不加謹矣如天大熱則徹去衣被令常清
涼但謹門牕帷帳勿使邪風透入天大寒則添厚蓋
覆令常溫暖更用親人左右夾之房室中可明亮勿
絕燈火常燒辟穢香加乳香冷香氣襲入日夜常用

一人看視互相更代勿令疲倦恐或作癢為之撫摩
莫使誤破以致灌爛結痂不美
辟穢香

蒼朮 壹觔

大黃 半觔

右剉細捻放火爐中燒之不可間斷

不作膿凡痘瘡出欲盡發欲透至於養膿便要成膿
飽滿者膿已成也渾濁者膿之形也黃白者膿之色
也若當作膿之時猶是空殼此氣載毒行血不附氣
毒者血也血既不至則毒猶伏於血中而不出四物
湯 失血合紫草飲見形加蟬蛻主之如已成水清淡

灰白不能作膿此氣血俱虛所有之水乃初時一點
血氣解而為水非自內潮起之水十全大補湯 汗主
之此二證者為癢癩為癰毒不可不知也 痘瘡初
發之後正待作膿却不作膿者此與不起發而黑陷
者分四證同論如感風寒則當溫散桂枝葛根湯 初
熟加黃耆白芷防風毒氣盛則宜托裏解毒利小便
紫草飲子 起發連翹湯便閉 相間服之太便秘者宜
風散 痘發熱 內虛宜溫裏十全大補湯陳氏木香散 渴
觸犯宜熏解內服紫草飲外用茵陳熏法 起發若煩
躁昏悶者龍腦膏 黑 薛氏云若灰白色或癢而膿

不貫用紫草四君木香色赤或癢而膿不貫用紫草
木通湯快出不貫而膿清稀用參耆內托散癢癩不應
加附子緩則不救 秘要云頂陷無膿為逆急用保
元加川芎肉桂歸芍木香糯米煎熟加入乳好酒溫
服 色白如水晶內無膿者宜保元加糯米人乳好
酒進之 按病者元氣素弱或出痘時因稠密故服
解毒之藥太多或起癢時曾有吐利等證俱傷元氣
雖用參耆等助發膿漿而猶恐元氣薄弱止灌清漿
或缺而不滿且有癢癩癰毒之慮宜於前藥內加上
好鹿茸及燕紫河車丸藥仍進八味二花散為妙

曾見痘瘡初出磊落起發亦透只待結膿窠之時却
不作膿往往變為壞證者或因其人不能食脾胃虛
又自利不知調理者或出未勻發未透毒氣陷伏妄
談稀疎者此皆人事之不修非于時毒而然也
六一湯 專發痘瘡之膿

黃耆 陸三錢 炙壹錢 甘草 炙壹錢

右咬咀每服二錢水六分煎入酒二分同煎至半
盞溫服更加椒欖同煎尤好加山藥亦得
助漿丸 治痘瘡七八日漿稀不來者急服

黃耆 蜜炙 參二兩 白芍藥 酒炒 當歸 酒洗各壹兩半

紫河車酒洗去紅筋炙乾

鹿茸鮮潤色如琥珀作鹿角膠香者乳炙
白朮煨
人參各壹兩

右為細末煉蜜為丸如芡實大每服一二丸炒糯米煎湯化下

參耆四聖散起發
秘傳大透肌散見形

升天散 卽灌膿起頂散治痘灰白或紅紫黑陷乾

枯或清水不成漿八九日十日皆可服

人參陸分
黃耆
山查各捌分

白朮土炒
當歸
川芎

橘紅各分
甘草叁分
淫羊藿

穿山甲土炒黃
木香各貳分
肉桂參厘此引經之藥多

右薑一片棗一枚水煎服或為末服亦可如嘔

吐生薑湯下 瀉米飲下 肚痛神麩煎湯下

煩躁麥門冬湯下 渴用麥門五味子煎湯下

吐瀉藿香陳皮湯下 痘不成漿多服數帖無妨

補漿湯 痘灰白不起壯或漿清

淫羊藿叁分多則發癩
人參
當歸

山查各捌分
穿山甲土炒叁分
黃耆壹錢半

枸杞子壹錢
川芎
甘草

痘疹 卷五

陳皮 各伍分

木香 貳分

白木 陸分

官桂 叁厘

黃豆 叁拾粒

笋尖 叁箇

右加薑棗糯米水煎服 一方有白芷防風

治痘白色帶寒戰方 痘標六七朝正要翁會膿漿

遠乃色白洋洋無紅活鼎峻之美有土鐵塌陷之

凶火熱不退而有寒戰之狀宜服田單火牛湯

人參

黃耆

藜子 擇細葉者

則太葉葉中有青點宜細辨之

當歸 各貳錢

附子 壹錢

甘草 伍分

桂 叁分

搗紅 捌分

右水煎服

脾胃痘瘡已長膿漿欲成之時專以脾胃為主脾胃

強則氣血充實自然膿漿易成飽滿堅厚不須服藥

脾胃弱則氣血衰少不能周灌於身使之作漿虛軟

清淡雖有漿亦水而已宜十全大補湯汗去地黃加

木香或人參白朮散渴去葛根加黃耆官桂多服乃

佳然脾胃強弱於食多少大便堅利求之食少大便

堅者脾胃之氣猶足也若泄瀉則脾胃益虛四君子

湯不能送下豆蔻丸瀉利止復以人參白朮散去葛

根加黃耆官桂服之便清要能食不能食者亦依上

痘疹 卷五

法如能食大便堅數日未更衣者用膽導法大便通之使氣得疎通榮衛和暢不致癰爛也

泄瀉 痘瘡出形起發竝不宜泄瀉恐裏氣虛毒邪不出反成陷伏故以泄利非佳兆也若成漿之時尤不宜利比之於前殆有甚焉蓋前此為病未久脾胃尚強足以任之今則病久津液已衰脾胃已弱若復泄瀉則僅存之氣重竭於內方張之毒不能成於外或為癢瀉或為倒靨或寒戰咬牙虛憊而死輕則人參白朮散去葛根加木香官桂黃耆甚則陳氏木香散瀉異攻散出不肉豆蔻丸瀉可以併進不効亟服

不一散起發

便秘手足厥冷 痘瘡手足和煖為貴養漿之時手足發熱手足必有汗此毒熱鬱於中必大小便不通脉沉滑數疾宜利之三乙承氣湯大便去芒硝主之手足厥逆者此陽氣欲脫必自利不止或吐脉沉細微弱或浮大而虛宜急温之理中湯瀉加熟附子或陳氏異攻散快出不服藥後手足和煖者生厥者死若大便秘小便不通煩躁狂妄腹脹喘而渴脉沉滑數瘡不起者此陷伏之證為陽厥百祥丸黑陷三乙承氣湯主之

煩躁瘡痘始終貴於安靜膿成之時毒已化解臟腑
平和神宇爽快尤宜安靜也若忽加煩躁不得眠者
但就痘子上辨之如膿多清淡尚不滿足此毒猶在
裏未得盡出也龍腦膏主之黑陷如膿已成又飽滿
因發熱乾漿而煩者此宜利小便導赤散主之心如
瘡子太密膿成之後心血虧虛煩不得眠者四物
湯失血去川芎加入參麥門冬梔子仁又酸棗仁湯
煩躁主之

錯喉嘔噦凡痘瘡密咽中亦有之成漿之時咽瘡早
熟肉虛皮薄易致破損瘡癩新嫩觸之即痛茄皮沾

滯痰涎纏裹所以堵塞飲食難入勉強吞嚥則為疼
痛所苦痰涎所隔是以水入則噎穀入則嘔也如語
言清亮者可治甘桔湯咽喉加牛蒡子天花粉利咽
膈化痰涎惟多飲之自然平愈若聲啞喎語言不出
者咽喉潰爛不可治矣

瘡凡痘瘡皮嫩色嬌者到成膿時多生癢癢先當調
理勿令有此可也若失於早治而發癢者內服消風
化毒湯癢癩外用茵陳熏法起發破者以白龍散癢
瘡傳之太抵痘瘡作癢乃是惡候吉少凶多如其人
能食或大便堅抓破之處復灌成膿原無痘處續出

大小不等，雖盡瘡破，可治。內服十全大補湯，汗苦參。九痘癩問而與之外，以滅瘢救苦散。痘癩合百花膏收靨。塗之。若瘡癢之時，其人顛倒悶亂，抓破之處，不復腫灌，或成坑窟，或即乾黑，或皮自脫，又加以澆水，嘔食水漿不入，或泄瀉，或寒戰咬牙，或失聲，或手足厥逆，或狂叫，皆死證也。

頭面 凡視痘瘡，以正面為主。五藏精華皆萃於面，故也。身上瘡有癢者，或至抓破，不能為害。惟正面瘡不可犯動。一處苟於眉目鼻面之間，抓破一處，此肺有熱也。急用甘桔湯咽喉加牛蒡子以解之。其癢即止。

乃佳兆也。若癢不止，浸淫漸開，氣愈泄而癢愈急，必至滿面抓破而死。凡痘瘡起發，養漿之時，額上瘡如火燒湯澆之狀，潰爛破壞，無復完膚，或兩頰之傍亦如是樣，不待爬搔而自破爛者，以漸而開，沙崩之勢，莫之能禦，殼焦水去，似靨非靨，陽氣脫而死。痘瘡作漿之初，面上諸瘡未盡成膿，或鼻準頭瘡先乾，如橘子色者，或眉心瘡自乾黑者，或唇上瘡焦黑者，或兩耳上瘡自收者，或兩頰瘡如餅中間乾陷者，此名倒陷，乃死之候，不可認作正收，對人妄言。

手足 手足痘瘡最要，膿漿飽滿，乃脾胃強，氣血足也。

若灰白色或清淡水或虛餒齏塌此脾胃弱快癩越婢湯主之如此者縱得收靨之後必手足腕膝及關節之處發癰毒也

快癩越婢湯起發

肩背痘瘡初出起發邪氣雖旺正氣亦強足以任之至於成漿則氣血漸耗精神漸弱有不勝之狀起止艱難多喜仰臥惟肩膊背脊之瘡展轉摩擦最受虧苦若痘子好者自然堅厚耐久不破其次則收靨稍遲膿熟自潰最可惡者如湯火之疱水去皮脫又瘡自破清水非膿黑黯乾焦是皆不治之證

漏歌曰纔試漿時未飽囊瘡頭有孔漏膿漿依然團聚封瘡孔洩去真津毒氣藏蓋痘瘡作膿窠之時最要皮厚包裹完固若膿未成忽然瘡頭有孔其水漏出或結聚成團堆於孔外者或水去窠空自乾黑者俗名漏瘡必死若膿熟之後窠皮亦熟漿水沸出因而結靨此頭額正而之間多有之俗謂之堆屎收不可以漏瘡例論蓋漏瘡膿未成堆屎收膿過熟也
咽梗不利冷唾稠粘瘡痘者每至作膿窠之時咯唾痰涎稠粘膿結或有膿血夾雜者咽喉不利飲食亦少此肺受火邪津液不足故多粘痰喉舌牙齒之間

痘疹 痘疹 痘疹

瘡潰血出惟用甘桔湯咽喉加牛蒡子天花粉清肺
化痰利咽膈直待收靨之後自然平和不妄用太
涼之劑

睡夢呢喃痘內之膿皆身中之血薰蒸而成瘡痘稠
密膿血周遍津液消耗心主血血虛則舍空故心熱
者虛煩不得眠酸棗仁湯煩躁主之心虛者喜睡夢
中呢喃如與人言者多恹誕之事喚之不醒安神丸
主之譫妄若昏悶甚者先以龍腦膏黑陷開其心竅
後以安神丸人參麥門冬湯下

腹痛痘瘡初出腹痛者毒在裏也起發不透腹痛者

陷伏也若作膿則毒已出又無陷伏忽然腹痛其人
不大便者必然燥屎也當歸丸膽導法俱大以通之
便清者必受冷也急與理中湯加桂腹痛或黃芪建
中湯腹痛加木香主之痘瘡其出已盡其發已透
其膿已成表無邪也能食小便清大便潤裏無邪也
一向平安忽然腹脹作痛煩躁喘促痘瘡色變如灰
木之狀此必傷食得之先以丁香脾積丸宿食原物
湯下去其宿食後以人參白朮散渴去葛根加青陳
橘皮與養脾丸宿食相間調之

癰爛天痘瘡膿熟潰爛者常候也若未成膿先即潰

者此名癰爛癰爛之由病當發散而不發散則毒氣閉塞喘促悶亂不當發散而誤發散則熱毒隨陽氣暴出遍身皮肉潰爛此不善表之過治之宜調脾進食令大便得所安養榮衛生肌解毒解之不至於冷調養不至於熱方為良法宜十全大補湯汗去桂枝加防風荆芥穗多服佳大便秘以膽導法使必潤之膿水不乾以敗草散潰爛襯之癰爛作膿痛甚者以天水散即六一散見初熱和百花膏收厲塗之又有發表過甚外為癰爛而內虛陽氣不守臟腑自利此又急當救裏解表陳氏木香散瀉利主之厥逆者異攻散出不快

板黃 表痘澄膿則毒盡全美矣何有乎板黃豈知王不在乎厚薄而在乎體之純珠不在乎大小而在乎體之明痘漿不在乎飽滿而在乎黃活夫黃者中央土之正色漿液乎脾其黃白潤正者也彼痘氣得其衛而不逆血養其榮而不傷囊窠鼎竦膿漿澄注於中者活動而不膩塞明潤而不死色烏有所謂板黃者哉若陰陽離其正氣梟毒肆其殘虐根窠薄劣囊房夷委膿漿之澄注於中者板膩牢則死塞而不活動乾燥而不明黃以手指抵之凝結板定五經癉而二氣截矣此謂之板黃若方廣天庭板黃而餘者潤

活癰毒必結於腦項腮臉板黃而四體潤美瘡癰必
發於肩臯肚腹板黃者癰起於曲池三里背脊板黃
者癰結於兩軸尻骨遍身板黃者死項頸前後板黃
者死頭面板黃者死眼眶唇上板黃者死兩脇陽球
板黃者死觀此而疽囊之膿固欲其充黃尤宜潤活
也

澄泉散 治痘中板黃

黃耆^上

當歸^中

紅花^下

金丸雞尾

右和酒入罈固密煮之另用
後硬石干一味細研以藥酒調服

轉環丹

个一隻以參耆當歸紅花桂和蜜酒煮熟食之

灌膿吉凶

灌膿時根窠紅潤膿漿滿足如黃蠟色二便如常飲
食不減此為吉證不須服藥
灌膿時純是清水皮白而薄與水泡相似三四日後

痘瘡

抓破而死

灌膿之時痘中乾枯全無活血此名空倉不治

灌膿時吐利不止或二便下血乳食不化痘爛無膿

者死

若二便不下血猶可
用止瀉健脾之藥

灌膿時二便閉目閉聲啞腹中脹滿肌肉變黑者死

收靨證治

痘瘡成膿之後鮮明肥澤飽滿堅實以手拭之瘡頭

微焦硬者此欲靨也大小先後以漸收靨不失太急

不失太緩已靨者痂殼周圍無有突凸陷凹者乾淨

無淫濕破濺者此為正靨否極泰來之象也 凡痘

瘡收靨不可以日數拘也大抵痘本稀元氣實者自

然易出易靨若瘡本稠密元氣虛者難出難靨也只

要先後有次疾徐得中飲食如常便無他證如收太

急者毒邪未盡煎熬津液以致速枯非正收也必為

目病為癰毒為諸恠疾甚則天亡微則殘廢宜微利

之以徹其毒當歸丸主之大便如收太遲者中氣已虛脾胃太弱不能榮養肌肉使之完就以致潰爛內服十全大補湯汗外用敗草散潰爛視之海藏云癰疹膿而不焦此本治失清涼之氣有如五穀得陽氣而成熟非涼風至則不能實也天地嚴肅之氣一加則萬物秀而實矣與癰疹何異須察何經而清涼之或下而成嚴肅之氣則瘡氣必不至於膿而不痂矣要當知之餘毒不盡而疾作蓋出於此當是清下之非陽和則苗不秀非嚴肅則秀不實錢氏是也云五七日痂不焦是內發熱於外故不得焦痂也

宜宣風散

痘發熱

導之用生犀磨汁解之必著痂矣

劉涿瘡子訣云痘發如膿窠不肯靨者但調沙糖水與喫劉提點云亦會試用但後來結痂痕白

薛陳文宿先生云痘欲靨不靨其痂欲落不落若腹脹煩渴忌食水蜜生冷之物若食之轉渴而死急與木香散救之如身熱煩渴者宜服人參麥門冬散身熱太渴人參白朮散如不愈仍服木香散竊謂前證乃脾胃氣虛津液不足所致非實熱為患也如身熱煩躁手足發熱脾胃有熱也用人參麥門冬散身熱作渴手足微冷者脾胃氣虛也用人參白朮散腹脹

泄瀉或寒戰咬牙脾胃虛寒也用十一味木香散泄
瀉氣促手足竝冷脾氣脫陷也用十二味異功散凡
瘡結痂作癩皆由元氣充實而內融也若審見虛弱
便與滋補血氣無虧可保終吉若見不癩而投補劑
恐無及矣 一小兒出痘貫膿不癩證如實熱余謂
血氣虛甚之假熱也用十全大補湯數劑漸愈忽又
惡寒余又曰此邪氣退而真氣遂見虛象也仍用前
藥內參耆各五錢數劑而愈 一小兒痘不結痂用
補中益氣湯地黃丸料煎服而愈次年畢姻後寒熱
作渴頭暈脉洪數按之微細此脾腎虛火上炎也以

前藥各加肉桂五分引火歸經而愈

治痘日久不癩歌曰防風剉五錢炒木與茯苓當歸
大腹皮煎服得安寧 昔古杭俞氏專以四製白木
散治痘瘡日久不肯結痂收膿者亦此方之遺意也
但迴蚤之痘元氣充托者則可若元氣不足而迴速
必宜保護不如痘之隨期而遲迴何必勉強用藥以
速其收功也

回漿散 治痘不收漿結痂

- 何首烏
- 白芍藥
- 黃耆
- 人參
- 甘草
- 白木

痘瘡
卷五

白茯苓

右薑水煎服

象牙散 治同上

人參

甘草 米分

右加糯米二錢棗二枚水煎調下象牙末一錢

潰爛痘瘡過期不收遍身潰爛者此與癰爛不同乃

熟太過也其候不同或因天寒失於蓋覆使瘡受凍

而不收者宜內服五積散初熱外用乳香燒煙於被

內熏之或因天熱過求溫煖使瘡被蒸而不收者宜

黃耆

茯苓 壹錢

何首烏 貳錢

白朮

各壹錢

內服人參白虎湯見形或五苓散驚外減去衣被令

少清涼以天水散即六散撲之或大便秘結內外極熱

毒氣散漫無陰氣以斂之而不收者宜內服宣風散

痘發或三黃丸熱四順清涼飲熱外用膽導法大便

以敗草散襯之或泄瀉氣虛脾胃弱津液少肌肉虛

而不收者宜內服陳氏木香散瀉外用敗草散或因

渴飲冷水過多以致水漬脾胃濕淫肌肉而不收者

內服五苓散如因食少氣虛而不收者人參白朮散

渴去葛根加桂主之已上諸證以法治之已潰者結

薄痂未潰者結痂方為佳兆若痂皮俱不結者成倒

痘瘡

卷五

三七

靨矣 痘已成膿之後過期不靨以致潰爛膿汁淋漓不可著席粘惹痛疼者用敗草散或蕎麥粉以絹袋盛於身體上撲之更多佈席上襯卧尤佳面上欲不成癩野者用滅癩散和百花膏敷之

敗草散

多年屋上爛茅草擇淨者為末摻之墻上爛草亦佳以多受風露之氣故能解痘瘡毒

蕎麥粉

蕎麥一味磨取細麪痘瘡破者以此敷之潰爛者以此遍撲之絹袋盛撲以此襯卧尤佳

滅癩救苦散

蜜陀僧

滑石

各貳兩

白芷

半兩

右為細末濕則乾摻之乾則好白蜜調傅

百花膏

石蜜不拘多少略用湯和時時以鷲翎刷之瘡痂亦易落無痕

倒靨痘子初出磊落成箇後來長大作膿始相連串外雖相串皮下猶一箇是一箇至於結痂腫消膿乾現出初來本形所以收藏斂束要完全堅厚復成箇數為貴或根脚相通皮肉盡串者結痂之時亦要乾

淨無有淫濕及濺破者次也若未成痂者潰爛已成
痂者只是嫩皮此倒靨也 痘毒當靨不靨復入於
裏者謂之倒靨此死證也元氣素怯又不食常自利
者陳氏木香散瀉異攻散快出不死中求活聖藥也如
原無泄瀉大便久秘今添腹脹喘呼此毒盛薄蝕元
氣復入於裏宜急下之排毒散若不急下則腸胃不
通榮衛不行益加喘滿躁悶而死矣若毒入裏忽然
自利者此人脾胃素強毒氣難留故自利須看利下
之物如利痂皮膿血者毒氣得出為順不可止之待
利盡膿血自愈如利水穀者此毒氣反驅水穀脾虛

不能制之其證為逆不可治也
排毒散

大黃 壹兩

白芷

木香 各半兩

穿山甲

柴片土炒焦卷

共為細末看虛實大小加減長流水煎沸調服

如痘瘡破損潰爛者復腫灌作瘡不致乾枯原無痘
瘡處復出一層如初出之狀亦以漸起發作膿者此
裏氣充實毒不得入猶在於表未成倒靨逆中之順
證也但瘡子重出一番必其人能食大便堅足以勝
其再作之毒如食少大便潤者用十全大補湯人參

白木散肉豆蔻丸主之蓋病久氣虛惟利溫補不可再解毒也

不膈悶亂噎氣腹脹薛陳文宿先生云痘瘡十一日至十二日當膈不膈身熱悶亂不寧卧則噎氣腹脹泄瀉寒戰咬牙急用異功散加木香當歸以救陰陽表裏助其收膈竊謂前證若手足並冷屬脾胃虛寒宜用十二味異功散手足微冷屬脾胃虛弱宜用五味異功散加木香若手足熱大便秘屬脾胃實熱宜用清涼飲救其陰以抑其陽一小兒痘不結痂發熱飲湯噎氣腹脹此脾胃氣虛弱用五味異功散參者

四聖散而愈後噎氣下氣欲服枳殼之類余謂噎氣屬心火虛下氣屬脾氣虛朝用六君子湯加薑桂夕用補中益氣湯而愈一小兒噎氣喘咳腹脹下氣手足不冷不熱此脾虛不能攝氣而腹脹下氣肺虛不能攝氣而噎氣喘咳用五味異功散加升麻而愈

泄瀉痘子初出以來表裏俱病收膈之時表邪已解裏氣當和太便宜潤小便宜清忽爾洞泄水穀者此中氣暴虛不能禁固水穀或毒氣乘虛入裏欲作倒膈宜陳氏木香散瀉異攻散出不快肉豆蔻丸瀉主之利止者佳利不止者陽脫而死

面痘瘡潰爛先傷於面者面乃諸陽之會痘乃純陽之毒以類相從如水就濕火就燥也又心之華在面諸瘡皆屬於心心火上炎之象如面瘡已破腫消目開者此不著痂先已乾燥病為倒靨死在旦夕如已破復灌滿面成餅焦裂濺起膿血淋漓食穀則嘔飲水則唵咯唾粘涎語音啞喎口中氣臭者此臟腑敗壞故諸證盡見也淹延悶絕而死如瘡潰腫飲食無阻大小便調更無他苦如上證者此則可治內用十全大補湯升陽解毒湯相間服之外用滅癩救苦散百花膏合而敷之

升陽解毒湯

- | | | |
|-----|-----|--------------------|
| 當歸 | 升麻 | 柴胡 |
| 桔梗 | 甘草 | 牛蒡子 |
| 密蒙花 | 蟬蛻 | 連翹 |
| 防風 | 荆芥穗 | <small>各等分</small> |

右剉細水一盞煎七分去渣食後溫服

人中人中為任督交會之衢督乃陽脉自人中而上任乃陰脉自人中而下故自準頭至印堂與額至鳩尾相應印堂至髮際與鳩尾至膝相應髮際以上與膝以下相應痘瘡收靨但觀面上收到之處則知身

上收到之處矣。凡痘子自人中上下左右先出先靨者，吉陰陽變合相濟之理也。若自額角先靨者，孤陽不生，足下先靨者，孤陰不長，皆凶兆也。

頭定 造化之理，生於陽者，陰成之；生於陰者，陽成之。故痘瘡收靨，頭自髮際以上，陽氣獨盛，謂之孤陽足；自膝以下，陰氣所聚，謂之寡陰。所以諸瘡皆靨之後，此二處難靨，乃造化自然之理，不可作倒靨論。

疔蝕 陳痘已靨，未愈之間，忽被風邪搏之，成疔蝕瘡。宜雄黃散綿鹽散治之。久不愈，多漬骨傷筋，殺以醒前證。屬足陽明胃經，其方解毒殺蟲之劑，若毒發

於外，元氣未傷者，用之多效。若胃氣傷損，邪火上炎者，用蕪荑湯六味丸。若赤痛者，用小柴胡湯加生地黃、肝脾疔證，必用四味肥兒丸及人參白朮散。更佐以九味蘆薈丸。萬痘瘡結膿窠之先，或曾傷犯破損者，灌爛成瘡，至於收靨，此獨不靨，膿汁不乾，更多痛楚，若不急治，漸成疔蝕瘡，損骨傷筋，以致橫天宜內服十全大補湯，外用滅癩散和百花膏傅之。痘子已成疔蝕瘡者，若在肢節及諸虛怯軟弱血氣俱少之處，色青紫黑腫痛潰爛，以漸延開，血自出者，難治。若所生之處在於陽分，不痛不爛，色不變，血不出

者以綿璽散主之

雄黃散 治小兒牙齦生疳蝕瘡

雄黃壹錢 銅綠貳錢

右二味同研極細每用量瘡大小乾貼

綿璽散 治小兒因痘瘡身體及肢節上生疳蝕瘡

膿水不絕用出蛾綿璽以生白礬搥碎入璽內令

滿炭火燒令白礬汁盡取出研極細每用乾貼瘡

口上

口疳 痘八九朝之期雖澄黃結蠟而口中惡臭噴

外上下牙床潰爛舌板堆裏黃垢名曰口疳若不早

治則床脫牙落而成漏矣速將出白散吹之歌曰

痘中疳臭世休輕脫床落齒漏淹成出白散方多不

識細茶薄荷共煎濃亂髮滾湯摩洗淨指纏拭口去

膜腥纔將青黛硼砂片薄荷殭蠶些銅青按製研為

極細末吹來頃刻痘疳平 余治痘疳單用入中白

煨過和片腦薄荷吹之朝夕用細茶黃連薄荷煎湯

頻頻漱口後吹之極効

喉痺 痘至七八朝之際而喉內鎖緊腫痛難咽毒

峻於陽明而然也金虛則鳴當以稀涎散吹之歌

曰喉中鎖痛覓稀涎山荳根真効可言薄荷熊膽相

圭合再把茶芽總共研隨時吹入喉門裏頃刻之間
痛遂痊此方甚妙熊膽山豆根須要識得真正者
左可用此獲効否則以為無用之方矣

發熱痘瘡常宜溫暖有熱不可盡去如一向身溫今
反發熱者俗名乾槩此亦常候只怕內傷飲食外感
風寒以致發熱又當別論然病久氣虛不可輕用汗
下因外傷者桂枝葛根湯初熱加入參因內傷者木
香大安丸傷食主之

歌曰待到渾身膿水乾人情倦怠盡偷安不知禁忌
多翻變一簣終虧九仞山蓋收靨之時人心怠忽居

處飲食不知禁忌以致變生異證者紛紛皆是也行
百里者半於九十可不慎哉

收靨吉凶

痘瘡收靨圓淨堅厚如螺靨者上也頭穿膿出堆聚
成痂如雞矢者次也皮破膿出痂薄如紙者又其次
也皮爛膿潰不成痂皮膿汁腥臭者斯為下矣如已
過期譬如瓜果熟久則爛此造化之常還作順看若
未及期則為癰爛乃逆候也變倒靨而死

結靨時色轉蒼蠟一二日從口唇四邊結靨由胸腹
收至兩腿然後脚背和額上三齊結靨落而愈者吉

結靨時徧身臭爛如落餅臭不可近目中無神者死
結靨時徧身發癢抓破無膿皮卷如豆殼乾者死
結靨時寒戰手足顫掉咬牙噤口者死
落痂後癩痕雪白全無血色者死急宜補氣血養脾
胃庶幾可活

表患痘八九日充灌回謝宜保全矣然有回至項頸
而死者有回至胸前而死者有回至臍上而死者有
回至陽物而死者其故何歟曰消息盈虛自有定數
若痘證僅取其漿灌則可也倘元氣所稟者本是薄
劣痘兼多蔓遂用毒物儘以發之再投升劫之劑盡

把元氣趕上痘雖充灌然外囊實而內體耗盡矣五
經傷而不能斡補矣頸上喉突氣窩肺之關轄也肺
氣先絕回至此則魃絛而死胸臍心之關轄也心脉
先絕回至此則死臍乃脾之關轄也脾脉先絕回至
此則死眼眶乃肝之關轄也肝脉先絕回至此則死
陽物乃腎之關轄腎脉先絕回至此則死本拔則枝
枯源塞則流涸自然之道也若語其變風寒不知慎
護而致梟邪逼於中飲食不知樽節而致脾胃傷於
內肚腹腫脹痰喘不息於是回至各關轄而死者亦
有之也又有一樣醫痘視之若似黃膿灌滿回至胸

前則死此真魃痘也

[Faint bleed-through text from the reverse side of the page]

落茄證治

癩赤黑萬瘡茄落後其面癩或赤或黑者用四白滅癩散臨睡以清蜜水調搽面上至曉以水滌去之自然白瑩脫去更宜愛護不得早見風日經年不滅如瘡癩突起成凸者此熱毒未盡解毒防風湯主之形見熱外更用蜆子內水摩之如陷下成凹者此脾胃虛不能長肌肉也人參白朮散痘渴加黃耆主之

四白滅癩散

白芷

白附子

白殭蠶

鷹矢白

蜜陀僧各等分

[Marginal notes on the left side of the page]

痘瘡

共研極細末以水調搽面點神效

韶粉散 治痘瘡纔愈毒氣未盡瘡痂雖落其癩猶

黧或凸凹肉起當用此藥塗之

韶粉 壹兩 輕粉 壹錢

右研細末豬骨髓熬熟調成膏薄塗瘡癩上如痘

疹欲落當滅癩痕一名滅癩散

癩黑暗 凡瘡癩頭面渾身並黑暗者未可便說無事

猶恐日前未甚作膿收靨太急此倒靨歸腎也但察

其表裏如壯熱太渴未除煩悶昏睡少食或大便不

通或自利此真倒靨歸腎也若身溫暖爽快食漸加

大小便調者此瘡癩本色無慮也

癩不脫 萬痘瘡收後其痂自脫者佳不脫以百花膏

潤之令其速脫稍遲則乾硬深入肌肉經久方脫遂

成癩痕然久而不脫者脾胃虛也人參白朮散加黃

耆官桂主之不可持剝去若不禁手反傷皮膚復

灌作瘡番覆潰爛一時難愈其後多成疥癩也

痘瘡黏著皮肉不肯脫落此表虛也尤當禁忌以防

異變用調元固表湯主之

調元固表湯

黃耆

人參

當歸

痘瘡

方寸

四

甘草

蟬退

人參固肌湯 治痘表發太過致肌肉不密痘痂粘肉久不落者

人參

黃耆

甘草

當歸

蟬蛻各等分

糯米壹撮

右用水煎服

人參清神湯 治痘痂不落昏迷沉睡者

人參

黃耆

甘草

當歸

白朮土炒

麥門冬

陳皮

酸棗仁

黃連酒炒

茯苓

右各等分加棗子糯米水煎服

馬齒莧散 治痘痂不落成癍痕者

馬齒莧搗汁

豬脂膏

石蜜

三味共熬成膏塗腫處

凡瘡痂日久當脫不脫者胸背手足無妨惟面上不脫必成癍陷未脫者以百花膏潤之收靨令其易脫

脫盡之後癍痕黑黯者以四白滅癍散塗之

羊髓骨髓 治痘痂欲落不落癍痕

羊髓骨髓壹兩煉入輕粉壹錢研成膏塗之

如收靨既遲，瘡如不落，昏昏喜睡者，此邪氣已退，正氣未復，脾胃虛弱，宜調元湯即參耆飲，加麥門冬、合安神丸痘煩，或只用酸棗仁湯煩躁，緩緩調理，待氣血平復，榮衛和暢而安矣。

痲瘋成膿 痘瘡收靨之後，痲皮盡脫，曾見癩痕凸起，復作膿窠，依舊結一層痲子者，或因收靨太驟，毒氣未盡，或因誤服溫補之藥，多啖肥甘之物，飲酒喜食煎炒辛熱，或因出風太早，榮衛鬱而不通，皆能復成。此證亦與前日一般，但無苦耳。若此者，毒邪外散，決無初田毒之患。痘瘡遍身潰爛，不結痲者，倒靨也，或

三五處腫潰爛，不結痲者，疳蝕瘡也。若已正靨，痲起自脫，或面上或手足或片結硬瘡，頭雖焦中畜膿漿者，此是原出瘡子之初，其處大密糊塗，成片無復顆粒，所以毒壅於裏，不能起發，作膿結痲也。但用滅癩救苦散收靨和百花膏收靨塗之，待膿盡，痲起自愈。或手足腕膝之間，瘡窠連串，作大塊膿化，作水停蓄於中，恰如囊袋，皮不破，水不去，日久只如是者，此裏面肌肉已好，原日瘡皮剩於外也，宜用鍼決去其水，自乾脫矣。

能食不能食 瘡痲既落，中氣暴虛，多不能食，必藉人

人參白朮散去葛根加陳皮木香以調養之其間或有瘡痂起而能食者是胃中宿有蘊熱故也蓋胃熱則消穀所以能食其人必大便秘或大便秘當用三黃丸利之否則恐胃熱不去鬱爲口臭齒腐生風之證流散四肢則發爲癰疽腫毒然有一等脾胃素壯實者平素能食大便亦不至有秘結之患此又不

可一槩論也
癩痕赤白 痘痕赤白各有所因治法亦異凡痕赤而作癢血虛而有熱也用四味牡丹皮赤而作痛餘熱也用四君連翹金銀花若發熱而大便調和者脾胃

虛熱也用五味異功散若發熱而大便秘結者腸胃內熱也用聖濟犀角地黄湯若母有肝火用加味道遙散若母有鬱怒用加味歸脾湯佐以加味道遙散治之 白者屬氣虛而血衰也宜固元氣爲本癢而作渴者氣血俱虛也十全大補湯之類乳食減少四肢倦怠者中氣虛也五味異功散之類氣虛發熱者補中益氣湯之類血虛發熱者當歸補血湯之類須參兼變之證治之此證若服藥而漸紅活者可治色不轉者不治雖經年後多患瀉利而死若妄投攻伐禍在反掌 一小兒痘瘡如期而愈痕赤如赭余

謂此乳母有熱也診之果有肝脾鬱火先用加味逍
遙散四劑與母服之子各飲少許而並愈 一小兒
痘痕色赤作痛熱渴喜冷大便不利先用前胡枳殼
散便利渴止再用聖濟犀角地黄湯而安又用芹菜
汁而靨 一小兒十六歲痘痕白用獨參湯數斤色
漸如舊又用地黃丸大補湯而安

禁忌痘瘡新差之後氣血未復視之未靨尤加調護
可也蓋痂皮起落肌肉新嫩不宜澡洗增減衣服則
表已虛寒暑之氣易襲也瘡毒內作臟腑俱傷毒雖
外散腸胃已弱不宜飲冷傷饑過飽則裏氣虛飲食

之物易傷也時俗不知此理謂之已痊再無他變怠
玩縱弛致生後災一旦病生悔之晚矣

禱枕痘袁按孫氏揭禱枕痘以垂世而不註解其詳
迨黃石峰盡註明白且痘澄膿結痂自頭抵足靨已
脫矣又身發火熱舊醫益處重出一番痘竦囊聚膿
痛愈加甚服藥調護庶免天亡倘飲食不節風寒不
避邪氣感迫囊破潰爛肚腹漸脹陰陽不分死在旦
夕矣若起於頭面者須防陋井湧泉湧泉眼沿陋
之患起於背腹者應慮蜂螫沉石之慮蜂螫道身刺
爛也起於手足者不免有罄筆之罹起於陽球者預

宜防脫囊之害玉函云天花結果慶奇全檣杙歸門
痘倒顛不是渠塘菴洶浪便教關節結癰纏為父母
者度幾慎之

發熱

瘡疹發熱與傷寒相似但傷寒只見一經形證若瘡
疹則面燥腮赤呵欠頓悶乍涼乍熱多睡咳嗽噴嚏
驚悸吐利手足稍冷脫涼耳涼也然發熱者瘡疹常
候也不可盡除之但熱微毒亦微熱甚毒亦甚

初發熱時精神清爽唇鼻滋潤更無他證者此熱在
表其瘡必疎不須施治 初發熱時渾身壯熱焮焮
然不渴清便自調此邪在表拂鬱於皮膚之間宜以
輕揚之劑發之升麻葛根湯主之 初熱其則羌活湯
主之 條本 初發熱時其熱烙手目赤鼻乾唇燥小便

赤大便祕煩悶不安此表裏俱熱毒氣壅遏宜發表
攻裏雙解散主之初發熱時表不大熱其人煩
悶不安此熱在裏也以三黃丸微利之初發熱
時或乘疫癘之氣人參敗毒散主之初發熱時
或為風寒所襲出不快者桂枝葛根湯羌活湯雙解
散去大黃主之三方俱見初熱
甲 痘瘡之證其初不免於發熱者未出毒邪在裏煎熬
氣血薰蒸臟腑而然瘡既現形則毒洩而熱解所以
瘡出熱退者瘡本必疎若瘡已出熱不少減此毒蘊
於中其勢方張其瘡必密宜急解其毒連翹升麻湯

見形加防風荆芥穗地骨皮或解毒防風湯大法加
升麻或東垣鼠粘子湯見形兼服代天宣化丸預防
服藥之後瘡或不出或再出其熱頓減者為氣和也
熱若不減瘡漸加多再消詳大小便何如大便不通
七物升麻丸初熱小便不利連翹湯小便小大便俱
不通八正散小便不利自利者黃芩湯自利加白頭翁酒
黃連調赤石脂末裹氣和毒解矣如更加渴煩躁不
色或譫妄或腹脹滿氣促或自利不止手足厥冷此
逆證勿治如瘡已出但微發熱不須治之蓋瘡疹
屬火非熱不能成就也形而上見

錢氏云有大熱則當利小便小熱當解毒大熱謂身熱脈實大小便秘津液燥而渴懼其變生他疾故利小便入正散通關散大便潤者連翹湯三方俱見導赤散加入參麥門冬使心火有所導引則雖不用冷藥熱亦自減去矣瘡痘不至熱過不為冷誤甚為良法小熱解毒之說謂小熱不解大熱必生利其小便則慮損氣故但可解毒而已甘桔湯咽喉加牛蒡子荆芥穗以上起發而熱如瘡漿膿已成毒氣已盡又復發熱者俗呼為乾漿不須施治

後如結痂之後其熱不退者此邪氣未盡正氣未復熱微者不須治之熱甚者當視其虛實

羌活湯

羌活

川芎

防風

山梔子

龍膽草

當歸各等分

甘草減半

右剉細加薄荷葉少許淡竹葉水一盞煎七分去

查溫服無時

加味葛根湯

治痘失表發熱譫語

升麻

葛根

赤芍

痘癩
文和五

甘草

桔梗

柴胡

荆芥

防風

連翹

牛蒡子

木通

右水煎服

如聖湯 治痘已出身熱如火

紫草

升麻

葛根

白芍

甘草

木通

猴梨

各等分加薑一片葱白三莖水煎熱服 心煩加
麥門冬赤茯苓 煩渴加生脉散 七八九日身

如火者加酒炒黃芩地骨皮

柴胡麥門冬湯 治痘壯熱經日不退

柴胡

麥門冬

甘草

人參

玄參

龍膽草

右水煎服熱退即止 一方無人參

丹胡宅痘瘡發熱此血少有餘毒也

陳皮

白朮

當歸身

白芍藥 各參錢

牛蒡子 研破炒 貳錢

木通

犀角

生甘草

川芎 各壹錢半

右分六貼水盞半煎食前稍熱服

痘癩發熱

刀十五

五十七

活連翹散 治一切熱兼治瘡疹如神

連翹 防風 梔子

甘草 各等分

右為末水煎服海藏云治熱在外而

易老云涼膈去大黃芒硝者能解六經中熱此不惟

解熱治小兒癰疹熱候亦使發之則本藥與防風荆

芥二物各半白水煎服

河梔子金花丸

黃芩 黃連 黃檗

山梔炒久等分

右為末滴水丸如豆子大每服五丸白湯下

錢三黃丸 治諸熱

黃芩 牛兩 大黃 煨 黃連 各貳錢半

右為細末糊丸棗豆大每服五七丸至十五二十

丸食後米飲送下

右錢氏云有小熱者解毒海藏謂解毒者三黃丸

金花丸之類是也

四聖散 海藏紫草木通湯二方俱見形

導赤散心 八正散小便利

丹有初起煩躁譫語狂渴引飲若飲水則後來曆不

齊急以涼藥解其標如益元散之類可用

右五方利小便退熱之劑錢氏云有大熱者利小便又云身熱煩渴腹滿而喘大小便澀面赤悶亂大吐此當利小便蓋此用導赤散之類是也

錢宣風散

檳榔 兩箇

陳皮

甘草 各半兩

牽牛 肆兩半生半熟

右為細末二三歲蜜湯調下五分已上一錢食前

易老加防風

通膈丸利上下氣血藥也

大黃

牽牛

木通 各等分

右為細末滴水丸如粟粒大每服三五十九量兒大小虛實加減

右錢氏云有大熱利小便不瘥者宜宣風下之

大黃 木... 痘疹... 痘疹... 痘疹...

渴

萬瘡疹渴者裏熱也蓋三焦者水穀之道路津液者水穀之精華變化流行以灌溉乎三焦也瘡疹之火起之於內銷燬水穀不得以變化津液灌溉臟腑故渴也又瘡本稠密津液外洩化為膿漿不能滋養真氣亦渴也小渴者常病也不須治之大渴者視其虛實以法治之切不可冷水紅柿梨橘西瓜等物與之恐損脾胃致生災異也薛前證若一便自調飲食溫和口渴飲湯手足不熱是為虛熱不可食生冷之物若二便秘結飲食喜冷口渴飲水手足並熱是

痘疹
五
六
為實熱可與冷水飲之凡瘡出而熱未止者既出盡則熱自止

如發熱時便大渴者熱在裏也葛根解毒湯主之不正更加黃連以瀉心火之有餘黃蘗知母以滋腎水之不足舌潤則生舌如芒刺則死蓋舌乃心之苗少陰之脉榮於舌也如發熱自利而渴者津液不足也黃芩湯加入參白朮麥門冬主之丹溪云初熱煩躁渴引飲者急以涼藥解其標錢氏云身熱煩渴腹滿而喘大小便澀而赤悶亂大吐此當利小便不瘥者宣風散下之

葛根解毒湯

葛粉

天花粉

麥門冬

生地黃

升麻各等分

甘草減半

右剉細取糯米泔水一盞煎七分去渣入茅根自然汁一合服之

黃芩湯痘泄利

五苓散驚

宣風散痘發熱

如瘡已出或起發或收靨一向渴不止者人參麥門冬散主之海藏云若身熱小渴者六味人參麥門冬散治之如不愈或身熱大渴者七味人參白朮散

痘癩

幼科

卷

治之又不愈十一味木香散

人參麥門冬散

麥門冬

葛粉各貳錢

人參

甘草

升麻

白木各壹錢

右剉細加粳米一合淡竹葉七片水一盞煎米熟

去查温服

六味人參麥門冬散

麥門冬去心壹兩

人參去蘆

甘草炙

陳皮

白木

厚朴薑製各半兩

右咬咀每服三錢水一盞煎至六分去查温服虛

人減厚朴

龐氏地黃膏見形

退火回生散

治痘血熱枯澀發渴

滑石

辰砂各壹錢

水片參攷

右為細末冷水調服一分睡片時必轉紅活矣

如能食而渴者肺熱也經曰心移熱於肺傳為膈消

由心火上炎乘於肺金薰蒸焦膈傳耗津液故渴也

治在上焦人參白虎湯加黃連主之

人參白虎湯又名化癩湯

人參

甘草各壹錢

知母參攷

痘疹

石膏 伍錢

粳米 壹合

右剉細水二盞煎待米熟去渣溫服無時

竹葉石膏湯 治痘疹表裏俱虛胸中煩悶小便赤

澀多渴成赤癍點者又宜服犀角散

石膏

知母 各貳兩

麥門冬

甘草 各壹兩

右剉散每服三錢水一盞淡竹葉一握煎半盞溫

服不拘時

麥門冬湯 治痘疹煩渴吐瀉及痂後餘熱

麥門冬

人參

甘菊

赤芍藥

赤茯苓

升麻 各壹錢

甘草 伍分

石膏 叁錢

右用水煎服

如不能食而渴者脾虛也叔和云口乾饒飲水多食

亦饑虛由脾素弱不能為胃行其津液故渴也治在

中焦參苓白朮散主之

人參白朮散 又名參苓白朮散

人參

白朮

藿香

木香

甘草

白茯苓 各壹錢

乾葛 貳錢

三五

五

五

右劉細加生薑一片米一盞煎七分去渣溫服無

時

丹陳十妹年廿歲出痘而有孕七箇半月大渴不甚出透寒熱交作血虛氣虛

人參

白木

黃耆

陳皮

甘草炙

當歸身各壹錢

薑三片酒水各半盞煎服

自利而渴輕則人參白木散甚則陳氏木香散自利而渴者邪傳腎也正理論云自利而渴者屬少陰虛故引水自救蓋腎主五液其脈絡於肺繫舌本邪傳

於腎則開闔不司故自利利則津液下走腎水乾不能上潤於舌故大渴也治在下焦宜溫之陳氏異攻散主之出不快

面白腹脹自利而渴者陳氏十一味木香散主之

文中云腹脹渴者瀉渴者足指冷渴者驚悸渴者身溫渴者身熱面皤白色渴者寒戰渴不止者氣急咬牙渴者飲水轉水瀉不已者已上九證即非熱也乃津液少脾胃肌肉虛故也宜木香散治之如不愈更加丁香官桂此說必加審用之張渴瀉渴驚悸渴寒戰渴咬牙渴亦多屬熱者不可不察如渴而大便秘者宜利之四順清涼飲主之熱海

藏云瘡疹太腸閉澀或發熱四君子加瓜萸根桔梗
主之

痘子稠密津液少者十全大補湯汗

生脉散 止煩渴首尾通用

人參

五味子

麥門冬

水煎當茶飲

神功散 治痘作渴

人參

黃耆

甘草

牛蒡子

紅花

生地黃

前胡

紫草

白芍藥

右水煎服

紅花湯 治同上

紅花或子墮意煎湯飲其渴即止縱口中如烟飲
之即止 加牛蒡子尤妙

煩躁

萬煩者擾擾而煩躁者憤躁之躁合而言之煩躁皆熱也析而分之煩陽也熱之輕者躁陰也熱之甚者難知集曰火入於肺煩也火入於腎躁也瘡疹煩躁須宜忌之若吐利厥逆腹脹喘促而煩躁者昏不知入譫妄狂擾而煩躁者謂之悶亂皆不治之證凡痘瘡出不快發不透靨不齊有煩躁者此有二證如面黃大便色黑煩躁喘渴或如狂或喜忘腹脹或痛此為有瘀血在裏也宜當歸丸痘便或四順清涼飲發熱竝加桃仁泥紅花甚者桃仁承氣湯主之失血

痘疹

煩躁

六五

[Faint bleed-through text from the reverse side of the page]

如便血下黑糞而又睡不醒心為血之主睡不醒則
心之神昏矣玄參地黃湯失血加木通麥門冬若無
面黃尿黑如狂喜忘之證只大便不通煩躁腹脹者
此有燥屎也此却真狂謔妄以三黃丸四順清涼飲
俱發三乙承氣湯當歸丸膽導法俱便看病輕重擇
而用之如偏執不可下之說以致陷伏而死者醫之
咎也 薛東垣云火入於心則煩入於腎則躁皆心
火為之蓋火旺則金爍水虧故心腎合而為躁宜用
梔子豆豉湯凡痘瘡盛作之時必令心火有所導引
苟或毒氣出而未盡遂生煩躁以生黑舌煎湯或生

犀磨汁飲之亦可若津液不足虛煩不得卧者活人
酸棗仁湯此證多因脾胃氣虛或服剋伐之劑所致
但當調補中氣為善
萬如肺熱而煩者坐卧不安審於何時若初發熱便
煩者此毒火內鬱人參白虎湯發熱加梔子仁主之
若瘡發見猶煩者此毒伏於內未盡出也消毒飲見
形奪命丹起發合而服之若瘡出盡又已起發猶煩
者此內熱也牛黃清心丸主之 如腎熱而躁者必
曾自利輕則陳氏木香散瀉甚則陳氏異攻散見形
主之 如揚手擲足欲去衣被者此熱甚於表也羗

痘疹

痘疹

六

活湯主之瀉青丸去大黃加甘草如神識昏迷反
 覆顛倒者此熱甚於裏也導赤散牛黃清心丸合
 而治之吐利不食而煩躁者止氣虛也陳氏木香
 散主之如晝日煩躁夜則安靜者此陽盛於晝至
 夜則陽氣退而安靜也人參白虎湯加梔子仁主之
 如晝日明了夜則煩躁者此陽陷入於陰夜則陰
 盛陰陽交爭故煩躁也四物湯加梔子仁主之
 活人酸棗仁湯治痘疹虛煩驚悸不得眠
 酸棗仁炒 甘草炙 知母炒
 白茯苓 麥門冬去心 川芎

乾薑炒各

右水煎溫服兒大倍之

梔子豆豉湯

山梔肆箇 豆豉半兩

右水一盞先煮梔子一盞內豆豉煎至七分去滓
 溫服得快吐即止

黃連解毒湯

黃芩 黃檗

山梔各等分

右每服四錢水一鍾煎五分溫服若癰毒甚者

加青黛壹錢調入湯內服之
凡脉弦數內外熱
甚譫語者合小柴胡湯主之
若脉洪數內外熱
甚舌燥煩渴者合化癍湯主之

牛黃清心丸

黃連伍錢

黃芩

山梔仁各參

鬱金貳錢

辰砂壹錢

牛黃貳分

共研細末臘雪調麩糊丸如黍米大每服七八丸
燈心湯送下

人參蟬蛻散

治小便不利痘瘡不發煩躁作渴咬

牙喘滿

人參

蟬蛻

白芍藥

木通

赤茯苓

甘草

紫草茸

右每服三四錢水煎

人參竹葉湯 治虛煩不得寐或兼自汗

人參

竹葉

甘草各貳錢

半夏貳錢

小麥

麥門冬各壹錢

右每服二三錢薑二片粳米一撮水煎服

譫妄

譫多言也。妄虛妄也。譫妄者，妄有聞見而語言無倫也。皆邪氣熾盛，正氣虛弱，神識不清之所致。夫言爲心聲，心熱則多言，睡中呢喃者，熱之微也。寤而語言差謬，熱則甚矣。亦有胃熱而譫語者，大便必鞭，數日不更衣方是。薛陳文宿先生云：痘紫色頂陷，心煩狂躁，氣喘妄語，或如見鬼神，內熱便秘者，宜用龍腦膏子豬尾膏，如無內熱，大便不實，不可輕服。竊謂前證多因初起熱盛之時失於解利所致。亦有因痘毒未盡，有因胃經有熱，有因肺胃有熱，有因心脾有熱。

痘疹 卷之五
煩躁痘裂出血便血衄血尿黑痕赤詳見各證大凡
作渴發熱手足指冷或大便秘結者內有熱也切不可禁其飲水觀張子和述水中兒事良可驗矣蓋熱
極故得水而生也 一小兒痘疹狂喘熱渴飲冷痰
涎不利先君用十六味清膈飲犀角地黃湯而痊
一小兒出痘發狂作渴飲冷此上焦熱熾也用黃連
解毒湯芹菜汁而止又用紫草快癩湯將靨因問藥
餌二日色黑創靨用紫草散渴止又用人參白朮散
而痊 一小兒痘愈後時發狂兼喘發過面色黃白
手足拉冷此脾胃虛弱也余用補中八珍二湯各三

十餘劑或云當先降火邪而後補元氣乃服芩連朴
硝之類汗吐不止而歿

初發熱便妄有所見聞妄言如見鬼狀此為惡候蓋
毒攻於裏心志昏惑神識不清而然况小兒神氣怯
弱鬼魅易侵又厲鬼常乘疫氣而行乘人之虛而疰
之故凡痘疹妄見妄聞妄言如見鬼者不可治也須
審發於何臟如目直視手尋衣領亂捻物此發於肝
為亡魂悶亂喘促手拍眉目鼻面此發於肺為亡鬼
上竄咬牙多叫哭驚悸或不能言此發於心為喪神
困睡手足痲痺不思飲食此發於脾為失意目無精

光畏明欲墜下而縮身此發於腎為失志故曰真藏
 見者不治或發熱時無此證因大便秘結却有之
 此內熱也先以宣風散發熱解利其熱後以導赤散
 心送下牛黃清心丸驚或粉紅丸驚以鎮其神病已
 者可治連作不已者勿治如胃中有燥屎三五日
 未更衣者宜滌腸解毒宜四順清涼飲三黃丸俱發
 主之如初發熱狂亂大便自調者五苓散加辰砂
 主之大便秘者輕則黃丸甚則承氣湯主之
 如起發成漿欲瀆之時忽然神昏譫語者此由瘡本
 稠密精血外耗不能養神宜養血瀉火安神丸主之

安神丸

黃連

當歸身

麥門冬

白茯苓

甘草各半兩

朱砂壹兩

龍腦貳分

右為末湯浸蒸餅和獷豬心血搗勻丸如黍米大
每服十九燈心湯下

梔子仁湯 煩躁譫語驚狂發癡

梔子仁

黃芩

石膏各貳錢

知母

杏仁各壹錢半

大青

柴胡

豆豉

赤芍藥各壹錢

豆豉 譫妄

刀斗五

升麻 捌分

甘草 伍分

右水煎服

如昏不知久語言無倫者死經曰衣被不歛言語不避親疎者神明之亂也故不可治如初發熱便妄有聞見狀如見鬼而恐怖者不治此證自始至終皆不可有乃神志俱喪軀殼徒存不過引日而已

驚搐

錢瘡疹搐由風火相勝也惟瘡疹能作搐疹為脾所生脾虛而肝旺乘之木來勝土熱氣相擊動於心神心喜為熱神氣不安因搐成癇癇子為心所生心生熱熱則生風風屬於肝一藏相搏風火相爭故發搐也治之當瀉心肝補其母枯萋湯主之方見海藏云諸痛瘡瘡皆屬於心火無論虛實皆從心火上說脾虛則肝乘之肝與心火相合故用枯萋湯若脾土實火旺逆乘而成癇者此實邪也便結者瀉青丸便軟者瀉青湯亦當以脈別之翁經曰諸風掉眩皆

屬肝木然痘出之始雖有四藏心實主之心火熱盛
肺金受尅不能制伏肝木熱則生風風火相搏神氣
不安故發驚搐醫者當辨痘疹驚搐不可遽投涼心
之藥苟不審而槩以驚藥治之則心寒而肌斂毒氣
內陷痘何由而出也治法當平肝木利小便爲切要
濕肝則風去利小便則心熱退風熱既定則痘隨出
而驚搐自愈矣然痘先驚者多吉痘後驚者多凶何
也痘未出之先熱蘊於內故作驚搐痘出驚止而內
無凝滯故吉痘出之後氣血虛弱復感風寒熱毒反
滯又母敢輕易發散清利故凶然有非痘證而慢驚

者亦屬於肝而治法專理脾土何也蓋由平日或吐
或瀉脾土虛弱不能當肝木所尅此非肝木之本病
也治法只須溫補脾土爲主而肝木自寧譬如土薄
而上有太木不能乘載故無風而自動栽培者當厚
填其土使根深本固而自無風邪之害也痘後有此
證者亦由氣血虛極使然也必爲難治 瘡疹論挾
熱吐瀉不可投燥藥傷寒身熱不可投涼藥瘡疹發
搐不可投驚藥此皆外同而內異蓋瘡疹出於心驚
搐亦出於心也瘡疹本熱熱則動心此理之自然夫
心火獨盛於上肺金受火尅而不能制伏肝木熱則

生風木氣盛則脾土衰熱氣動於心神心喜為熱心
藏癰脾藏疹瀉肝則風去利小腸則熱退也風熱既
退則驚搐自愈矣昧者不知投以銀粉腦麝青黛硃
砂硝石涼心損胃之藥則誤矣故見證似驚風用藥
當作瘡疹防之蓋瘡疹之初似驚風者多太抵瘡疹
發驚必先咳嗽痰涎心悸煩躁嘔吐唇紅頰赤發渴
耳冷足冷脉數舌白如有此數證則銀粉等涼藥切
不可用蓋心涼則并損胃而毒氣斂伏又况心主血
寒則血凝而不行且中焦既冷上焦熱愈不降何由
運出又有小兒平常無病忽然發搐者必是瘡疹尤

當審諦蓋毒氣內盛但當發散如惺惺散消毒散升
麻湯紅綿散兼以快氣利小便祛風等藥與之待其
熱氣得泄心氣亦自定矣或有風寒與內熱相搏而
驚搐者各隨證治如前法但加勻氣藥為妙張氏云
瘡疹氣勻即出快氣勻則榮衛無滯有毒亦散瘡疹
當自出矣諸方並見初熱如大吐面青唇眼動手足時搐
慢脾風證也宜小異功散加升柴木香乾薑治之
潔凡未出而發搐者是外感風寒之邪內發心熱之
所作也當用茶粉下解毒丸犀角地黃湯主之 世
治瘡痘欲出身熱煩躁忽發驚搐宜驅風膏小如聖

未出
發搐

飲小便不通八正散涎盛利驚丸抱龍丸量證施之
丹欲發瘡疹先身熱驚跳搐搦此非驚風宜發散
藥 臨前證痘疹未見而先發搐者乃毒氣自心經
出也若病勢輕緩或形氣虛弱者不宜用峻厲之劑
恐元氣內損則毒氣內陷而瘡不能起發也或外感
風寒之邪內因瘡疹之熱而相搏或肝血虛火動而
內生風當補元氣為主佐以見證之劑然前方多峻
厲之劑審有是證方可用須察其色赤白而以脾胃
為主虛則用溫補實則用解毒 張痘瘡始作未形
見之間忽發驚搐是毒氣自心經而出也苟不以內

外證辨明之便用銀粉青黛等藥則心寒而毒氣內
陷往往氣絕之際或隱癩方出已無及矣治法但當
以導赤散加防風辰砂末與瀉青丸合而治之搐甚
者抱龍丸如再不止小便利者可治以導赤散送下
牛黃清心丸或粉紅丸小便不利者勿治
惺惺散 初熱
升麻湯 初熱

紅綿散 解表之藥

全蝎 伍箇

麻黃 去節

殭蠶

白芷

川芎

桔梗

天麻 各貳錢

甘草

蘇木 各壹錢

右為末每服一錢加紅綿少許水煎有熱加荆芥稍熱服ス一方入薄荷葉三片好酒四五點同煎ス

羌活散調三製辰砂末加防風荆芥表之方見初熱證治

世麻痘風搐方

人參

羌活

防風

僵蠶醋炒

南星薑製

白附子薑製

甘草炙

右等分生薑三片水煎服其搐立止
右皆解表之劑潔古所謂外感風寒之邪丹溪所

謂宜發散藥者是也

解毒丸

寒水石研

石膏研各壹兩

青黛半兩

右以二石細研如粉入青黛和均湯浸蒸餅為丸如茱實大每服一丸食後新汲水化下或細嚼薑水下亦可三歲兒服半丸量歲數加減服之

犀角地黃湯血失

柴胡二連丸 治肝經實火

柴胡

宣黃連

胡黃連

右為末糊丸桐子大每服二三丸白湯下

右解毒涼血瀉肝火之劑有熱者宜之

導赤散心藏

八正散小便不利

六一散熱

右利小便之劑小便不利者宜之然瀉丙火以瀉肝之子乃治驚搐第一要法不獨小便不利者為當用也

紫草快癍散即加減大紫草散有木通無黃耆方見痘灰白

東垣消毒散即消毒救苦湯見大法 參耆四聖散灌膿

八物湯虛羸 柴胡梔子散即梔子清肝散見五藏熱

地黃丸腎藏 小異功散即四君子湯加陳皮

益氣湯即補中益氣湯

右皆薛氏所用方大抵主於養脾補腎乃補虛例也

抱龍丸 牛黃清心丸並見驚搐

粉紅丸即溫驚丸見慢驚條

右鎮驚豁痰例痰涎潮壅及曾被外物驚者用之錢癍疹病後欲發瀉餘瘡難發癍以木勝脾木歸心故也若涼驚用涼驚丸溫驚用粉紅丸萬痘後非時搐搦者有二證一則心熱留而不去熱盛生風風火相傳其人必喉中有痰目直上視面赤引飲居處

喜冷宜導赤散瀉青丸清心瀉肝後以抱龍丸調之
一則病後多食胃弱不能勝穀謂之食蒸發搐其人
必潮熱大便酸臭秘洩不調或嘔吐腹痛先以備急
丸丁香脾積丸利之後用木香大安丸錢氏異攻散
調理取愈 薛一小兒痘痂脫盡因其穢氣用葱椒
煎湯浴之發搐痰喘用八珍加白殭蠶蟬蛻一劑痰
喘頓止又用四君芍歸鈞藤鈞而搐止 一小兒痘
瘡色赤四肢發搐眉唇牽動此心肝二經熱甚乘脾
所致也用四君防風鈞藤鈞而痊 一小兒痘後四
肢發搐眉稜尤動小便頻數臉目青赤此肝經風熱

用四物柴胡山梔少愈但四肢倦怠飲食少思大便
不實此脾氣受傷而未復也用四君升麻當歸而痊
一小兒痘後寅卯申酉時熱甚或兼搐余謂寅卯
時發熱此肝火本證申酉時發搐乃肝木侮金先以
四物白朮茯苓鈞藤鈞煎送柴胡二連丸而愈夕用
地黃丸朝用四君山梔柴胡及四君子加當歸而痊
一小兒痘瘡色赤發搐痰盛服抱龍丸而頓愈又
因母大怒兒仍搐母服柴胡梔子散加味道遙散母
子並愈 一小兒痘愈後發搐左額青赤唇口牽動
余謂肝心二經風熱所致先用柴胡梔子散加鈞藤

鈎後用加味逍遙散而搐止再用五味異功散而痘愈一小兒痘將愈發搐痰湧頭目不清脾氣虛弱肝木侮之先用五味異功散加柴胡鈎藤鈎搐愈而

屬

溫驚丸 並見驚搐

涼驚丸 心藏

瀉青丸 肝藏

備急丸

丁香脾積丸

木香大安丸 並見傷食

柴胡二連丸 並見前

補中益氣湯

四君子湯

四神丸

十一味木香散 並見泄瀉

枯蕒散 治痘熱極生風發搐

枯蕒根 貳錢 白殭蠶 壹錢

保命丹 右慢火同炒老黃色為末每服二三分薄荷湯下

天麻 鬱金 全蝎 去尾

白附子 炒 殭蠶 薑汁炒 薄荷

蟬蛻 茯神 桔梗 各伍錢

防風 甘草 青黛 各叁錢

大半夏 炒滾湯浸曬乾又用薑汁浸曬乾又炒 南星 製同上

鈎藤 牛黃 研各貳錢 麝香 伍分

辰砂飛伍錢
為天

右末煉蜜為丸芟實大每服一丸燈心湯下

[Faint bleed-through text from the reverse side of the page, including characters like '白', '風', '藥']

中風

丹痘風分氣血虛實以日子守之多帶氣血不足
虛則黃耆生血之劑助之略佐以風藥實則白芍
黃芩為君連翹白芷續斷之類為佐若屬寒陳氏方
可用薛前證更當分痘瘡已出未出已靨未靨外
邪所傷內虛火動若未出而搐搦熱毒內蘊也紫草
快癩湯加釣藤鈎已出紅綻而搐搦熱毒作痛也東
垣消毒散加釣藤鈎灌膿而搐搦血氣虛也參耆四
聖散加釣藤鈎若靨後而搐搦血氣尤虛也八珍湯
加釣藤鈎或目睜或直視者風火相搏也柴胡梔子

痘疹中風

痘疹中風

八十一

散或六味地黃丸加柴胡山梔或口角流涎者木乘
王也五味異功散加升麻柴胡鈞藤鈞或目赤眵淚
者肝血虛而生風也四物湯加柴胡鈞藤鈞或角弓
反張者水不生木也六味地黃丸加柴胡當歸隨用
補中益氣湯加天麻鈞藤鈞不可直用治風之藥蓋
風藥能燥血散氣必驗其手足冷熱溫和二證而用
補瀉調理之法庶無誤矣如嬰兒當審乳母而治之
萬痘後忽徧身青黑色手足瘰癧口噤涎潮角弓
反張語言蹇澀者此中風也瘡痘方愈榮衛正弱不
知避忌忽遇節令氣交八方不正之氣乘虛而入故

爲此證宜消風散貳錢入蟬蛻末壹錢分爲二服投
生薑薄荷汁及酒各數點溫湯浸之連二三服或作
癩疹或再出瘡疹而愈

丹楊氏女年十餘歲痘發不透靨落後骨節痛食少
夜間或熱此餘毒在內虛甚難於疎導須在補中
有通此方主之

- 當歸
- 白朮
- 陳皮各壹錢
- 牛膝伍分
- 通草
- 甘草根炙
- 蘇梗各叁分
- 犀角貳分
- 右咬咀生薑二片水煎溫服

男子七歲痘瘡初出不透毒氣攻內骨節作痛兩足不可直癢痕欠紅活脉浮而和小便赤少

當歸身

白朮各壹錢

陳皮

木通

犀角屑

人參

茯苓各伍分

甘草炙少許

右分二貼煎服

消風散

人參

羌活

川芎

甘草炙

防風

荆芥穗

白茯苓

蟬蛻去毒

厚朴

白殭蠶炒

陳皮去白

藿香葉各半兩

右為末每服二錢茶清調下

紫草快癩湯見形出不快

東垣消毒散法大

參耆四聖散灌膿

八珍湯虛

茺胡梔子散熱

六味地黃丸腎

五味異功散吐瀉

四物湯失血

補中益氣湯虛

當歸補血湯治痘瘡血氣虧損發搐熱渴喜飲脉洪大而虛重按如無者發熱

大面...
 六和...
 人...
 東...
 古...
 白...
 藥...

自汗

自汗者不因發散而自然汗出也衛氣者衛護皮膚肥實腠理禁固津液使不得妄洩也痘疹之火由裏達表干於衛氣皮膚為之緩腠理為之疎津液外泄故自汗也凡病自汗宜遽止之瘡疹初出自汗實為美證乃陰陽氣和榮衛通暢邪氣不留易出而解也又心主汗諸瘡皆屬於心自汗出者毒氣外泄也雖然熱之甚者亦為汗解身復清涼此毒散也若汗出不止其熱反劇此邪氣併於陽而陽虛宜斂汗固表清熱解毒使衛氣充實無瘡場潰爛之患保元湯大

法當歸六黃湯益汗主之如瘡已收較痂皮脫落
自汗者此氣虛也宜補陽救陰使氣無洩十全大補
湯汗主之若更不止調敗蒲散同服外用溫粉撲法
薛氏云屬後最宜審治若血虛者用當歸補血湯
虛熱氣虛者用四君子湯加黃耆氣血不足者十全
大補湯飲食自汗者小異功散吐瀉加黃連五味子
烏梅肉睡中汗出心有熱也其汗上至頭下至頸
不過胸者乃六陽虛汗也不須治之上至頸下至臍
者此胃虛也保元湯即參耆飲不止調敗蒲散同服
自汗者血之所化陰氣不能閉藏所以睡則汗出痘

家當以補血為主若當歸補血湯六味地黃丸八珍
湯人參養榮湯之類皆可因證施治目汗面赤作
渴手足漿漿汗多者胃熱也瀉黃散脾人參白虎湯
發熱加黃連主之諸證退以小異功散加山梔仁麥
門冬調之有食積內熱自汗者四君子加麴蘖
自汗發搖流涎者肝木侮土也小異功散加釣藤搗
減去釣藤加柴胡主之丹溪謂自汗不妨蓋指初
出并其汗之不甚者言耳若汗出過多最能虛人未
屬之際恐致氣血虛而不能結痂既屬之後尤防血
脫陰虛陽無所附矣汗出如油髮潤如洗喘不休

者此為肺絕之候死不治

浮麥散

浮麥不拘多少炒香每服三五錢水煎服治胃虛

自汗

敗蒲散

一名止汗散

用故蒲扇燒灰每服三錢溫酒調下無時服

溫粉撲法

黃連

牡蠣粉

貝母

各半兩

粳米粉

壹升

右為細末傳於身上

失血

萬氣為陽血為陰陽主動陰主靜人身之血不可妄動也經曰陽絡傷則血外溢血外溢則衄血陰絡傷則血內溢血內溢則後血今瘡疹之火薰灼於裏迫血妄行血亦隨火而動陽絡傷則血從上焦出或衄血或嘔血陰絡傷則血從下焦出或溺血或便血陰陽俱傷則血上下出也諸失血惟從鼻出者或有可治之理其餘皆死證也亦有痘瘡灌爛不能收較出血不止者此陽瘡出血亦不可治 張所云血之妄行從口從大小便從陽瘡或痘毒而出者悉皆不治

蓋指出之多而不止者言之耳若初出之時苟詳推其因而善為清理豈俱無生者耶 若痘瘡赤痛煩熱作渴或便血或衄血先用犀角地黄湯失血次用加減大紫草散痘灰去黃耆加木通主之 吳氏治諸失血始終用犀角地黄湯加山梔苓連白芍藥有初出時衄血不止用下藥而得効者 薛一小兒痘後非衄血即便血痘痕赤白靡定手指冷熱無常余謂此元氣虛而無根之火倏往忽來也朝用補中益氣湯夕用五味異功散各二十餘劑而愈後因勞心復發仍用前一藥為主佐以十全大補湯而愈

犀角地黄湯

治痘疹併麻疹與衄血便血者可服

牡丹皮

犀角

赤芍藥

生地黄

熱盛者加酒炒黃連

若有瘀血停胸加醋製大

黃若口鼻出血加大薊茅根若小便去血去

大黃加小薊水煎服

二寶散

治痘紫色發熱鼻衄小便如血口渴亂語

犀角

玳瑁

二味磨汁頓服即愈

衄血吐血

薛痘疹方云若痘發之際正宜微見與發

汗同體然血與汗雖殊其源則一蓋痘疹乃穢血所
發邪結肺胃毒氣自然上越也若見此證不可妄投
以藥恐治失其宜瘀蓄者不出而已出者復傷反生
變證也若作渴飲冷手足並熱此毒氣熾盛而血上
溢也宜用聖濟犀角地黄湯若肺經熱毒而鼻衄用
地黃清肺飲胃經熱毒而吐血亦用聖濟犀角地黄
湯若腸胃熱毒而便血亦用之作渴飲湯手足不熱
者脾肺氣虛不能攝血而妄行也宜用五味異功散
若出血作渴煩躁面赤色者血脫也宜用當歸補血
湯一小兒衄血右寸脉數此肺金有火也用瀉白

散而血止但四肢倦怠用益氣湯而愈一小兒痘
瘡赤色吐血發熱此胃經熱毒也先用聖濟犀角地
黃湯諸證漸愈又用五味異功散而痊一萬瘡疹發
熱失血皆非佳候但從鼻出者此火刑於肺鼻為肺
之竅宜瀉火涼血清肺以玄參地黃湯調鬱金末加
茅根汁磨京墨汁飲之衄止者佳一向不止者不治
玄參地黃湯

玄參

生地黃

牡丹皮

梔子仁各壹錢半

甘草

升麻各半錢

白芍藥壹錢

痘疹失血

方十五

右剉細加炒蒲黃半錢水一盞煎七分去渣溫服
斬關散 痘紫發熱鼻紅不止

生地黄

牡丹皮

黃芩

各伍分

升麻

叁分

藕節

茅根

各壹錢

菘豆

肆拾粒

右水煎服

便血凡痘子大便出血者看其血來何如又看是何
時如瘡子正壯大便數日未行血從糞出者此肛門
傷血出也如瘡已收大便膿血者此倒靨之血也非
此一類但溺血便血者乃臟腑敗壞陰血妄行必死

之候 醫聞人氏云痘疹大便下血或黑糞若睡而
不醒是為惡候乃內熱盛也用犀角地黄湯抱龍丸
小柴胡湯加生地黄主之竊謂前證若寒熱作渴小
柴胡加生地黄發熱體倦用五味異散加當歸口乾
作渴用人參白朮散大凡作渴引飲發熱者屬實熱
作渴飲湯手足不熱者屬虛熱手足逆冷者屬虛寒
治者審之 一小兒痘瘡下血且不起發先君謂氣
血不足用紫草快癩湯加參耆歸朮血頓止瘡頓起
用八珍湯而愈 一小兒痘瘡下血小便赤色瘡色
如赭發熱飲冷二便不利先君謂心小腸實熱用八

正散後用解毒防風湯痘證治大法及飲芹菜汁而痊
一小兒痘將愈而便血面白惡寒大便欲去而不去
余謂此元氣虛而下陷也用益氣湯不信服涼血之
劑致吐瀉腹痛而歿 一小兒痘將愈患便血面白
惡寒手足竝冷脉沉細如無余謂陽氣虛寒欲用人
參薑桂不從翌日而死手足青黑惜哉 一小兒出
痘三四日大便下血日有數滴至八日不能起御醫
錢春林謂其脾氣虛寒用木香散二劑加丁香十
粒人參五錢次日痘起有膿由是血止二十餘日而
愈

溺血 痘兩三日而小便溺血者名為沁砂紅蓋因
泉毒轉於心心失其主而血隨毒激故奔散而妄馳
心通小腸注於膀胱而溺血也或如黑豆汁或如蘇
木水痛者易治不痛者難治
主方

- | | | |
|-----|-----------|-----------------------|
| 木通 | 生地黃 | 黃耆 |
| 赤藥 | 犀角 | 地榆 |
| 升麻 | 紫草 | 車前葉 <small>多用</small> |
| 燈草 | | |
| 水煎服 | 痛加甘草稍滑石山梔 | |

余治此痘要在於清心解毒使陰血總歸於榮升
麻黃者貴宜詳察而投不可執方以害人也若便
如黑豆泔者毒已衝心而榮元已離十亡八九致
有小便澀留結血條如綿線寸長欲尿則號哭痛
不可忍者急用炒山梔末青龍鬚草汁調服再以
木通湯飲之可也

焮裂出血

醒聞人氏云痘瘡大便不通小便如血或

結癰毒身痘破裂乃內火熾盛失於解利急用犀角
地黃湯小柴胡湯加生地黃四順飲之類治之竊謂
前證若心脾熱盛用犀角地黃湯心肝熱盛用小柴
胡湯加生地黃若大便不通先用四順飲次用犀角
湯若色赤焮痛一便不通急用活命飲加硝黃若色
赤焮痛惡寒發熱用活命飲加麻黃若因乳母怒火
用加味逍遙散加味歸脾湯

不能食

灌漿落痂一門參看

凡痘家能食者不問稠密皆吉不能食者痘雖疎亦難發難屬瘡密者危蓋人絕水穀則死表裏皆病則困也有欲食而不能食者必喉舌有痘作痛艱於吞嚼也以爛粥米飲頻頻與之以助脾胃之氣更以甘桔湯加牛蒡子以解咽喉利胸膈也 翁夫痘瘡之出也固賴元氣以發之而元氣之壯也必滋乳食以養之自四五日以至痂落之後飲食不減二便如常雖不起發不紅綻或陷塌用藥得宜可保無虞使乳食減少兼以泄瀉則元氣自此而日衰雖無前證日

痘家不能食

刀針之

九三

後必至藥亦難效去生遠矣故四五日前而不食者此毒盛於裏猶可治也至六七日後而不能食者雜證百出行漿不實雖藥之亦何益哉有稟受壯實又發於五歲之外者又不可以例論也有痘已痂起而不食宜調脾胃若痘起而倍能食乃胃中宿熱消穀能食而大便秘宜四順飲之類微解之恐胃熱不去為口瘡又有脾胃壯實能食大便如常不必服藥此治痘者不可不知所審耶張不食有虛實之異其人怯弱精神慢而不食或因犯胃氣臟腑自利而不食者為虛當溫養之益薑黃脾理中吐逆薑附輩主之身

熱中滯而不食者為實當清利之白虎湯發熱五苓散驚輩主之如腹脹不食口角流涎者小異功散主之吐瀉

初出胸前稠密而減食者此毒盛脾弱也宜消毒飲加酒洗紫草山查人參輩已出或因煩渴飲冷過多或誤投涼劑傷冷腹脹大小便利腹中虛鳴不能食者當以溫中藥疎逐冷氣治法見腹脹條有肉實之人皮厚肉密而毒氣難於發越者又當服解毒勻氣之藥凡痘出而飲食少進者多因虛而毒發不透或兼有積滯故也以祕傳大透肌散出快不加枳實

厚朴服之。飲食不化手足逆冷者脾氣虛寒也。四君子湯加乾薑甚則附子。瘡痂既起則中氣暴虛多不能食只宜四君子輩徐徐調養之。或有瘡痂起而能食者乃胃中宿有蘊熱也。蓋胃熱則消穀故能食更兼大便秘結者宜二黃丸利之。庶不生他變也。然亦有一等脾胃素壯實者亦自能食大便亦不至有秘結之患則不必用此藥也。

麝後大小便如常而食少者宜胃愛散小異功散雙和散之類調補。痲落潮熱唇紅口渴不食者四君子湯加陳皮山查黃連渴甚白朮散不解以大連翹

飲主黃芩主之。

脾胃傷於飲食者枳實丸傷食主之。大便酸臭不消

化畏食或吐者枳木丸傷食傷冷飲食者宜溫之神

應丸傷食主之。然神應丸內有巴豆善醫者臨證須

量虛實斟酌少與之庶不壞事。

趙氏治瘡痘不進乳食用白朮苦參湯宿食不消者

陳皮枳實湯如因熱壅不食者二和湯加黃芩胃虛

弱不調而不能食者人參養胃湯麥冬參朮散七珍

散俱可選用或有雜證者去其雜證氣和自能食矣

或大小便秘者利之。

痘疹不能食

切勿手五

九十四

四君子湯

人參

白茯苓

白朮

甘草各壹兩

右咬咀用水一盞生薑三片煎四分溫服每貼三錢

六神散 治脾胃虛弱津液燥少內虛不食身發虛熱

人參

白朮

茯苓

甘草炙

白扁豆炒

黃耆蜜炙

右等分爲細末每服抄二錢用水半盞生薑一片

棗一枚同煎至三分去滓溫服之不拘時候身熱甚者加烏梅少許同煎服

七珍散 調胃進食

山藥

人參

茯苓

黃耆

白扁豆各壹錢

白朮貳錢

甘草柒分

右剉爲麤散加粟米一撮薑二片棗三枚水煎不拘時候溫服

人參養胃湯 補脾進食之劑

白朮

陳皮

神麴各壹錢伍分

豈吝不能食

切半五

九十五

人參

黃芩各壹錢

茯苓

甘草捌分

梔子

右剉散分爲二服水煎不拘時服

麥冬參朮散 調胃進食兼消積之藥

麥門冬

白朮各貳錢

陳皮壹錢半

人參

甘草各壹錢

厚朴柒分

右剉散分爲一服水煎無時

二和湯 消食扶氣之劑

藿香

香附各等分

右爲極細末滾水放溫調下二三錢

白朮苦參湯 治小兒患痘不進乳食

白朮

白芍藥

檳榔

訶子

柴胡

青皮各壹錢

苦參壹錢貳分

鼠粘子

厚朴

陳皮

砂仁

烏藥

紫草各壹錢

右剉散每服四五錢水煎食遠服

陳皮枳實湯 治患痘宿食不消

陳皮壹錢貳分

鼠粘子

厚朴各壹錢壹分

枳實

青皮

烏藥

三五不亂食 刀身五

紫草茸

砂仁

神麩

檳榔

草菓

桔梗

升麻 捌分

名壹錢

右剉散每服四五錢水煎食遠服

凡痘瘡飲食之間毋令太饑毋令太飽毋太寒太熱以損脾胃但與糜粥爛飯淡薄滋味以養之切忌肥甘煎炒五辛一切動風動火之物

咳嗽

肺主氣其變動為咳嗽者肺證也瘡疹發熱之初便有咳嗽者肺為五藏之蓋瘡疹之火挾君相二火之勢上熏乎肺肺葉焦舉故氣逆而咳也瘡疹既出其咳更增者此喉龍有瘡淫淫如癢習習如梗故咳也瘡疹收後而咳者此衛氣虛弱腠理疎開風寒外襲肺氣逆而不收故亦咳也 薛痘疹未出欲出之際乃熱毒上熏清道肺氣不寧宜用惺惺散若已出之後則屬元氣虛弱不能固衛腠理風邪乘虛而襲宜用五味異功散加桔梗五味子以補脾肺

初

痘疹方云痘瘡未出之先咳嗽升麻湯初 頭疼身

熱惡寒咳嗽參蘇飲初 嘔吐痰涎咳嗽白木湯

時氣頭痛身熱咳嗽惺惺散初 藷如初發熱咳嗽

甚者先以參蘇飲發之次以甘桔湯咽喉 合瀉白散

肺加牛蒡子治之

甲

凡痘子出盛咳嗽者此肺中有火或咽喉有瘡作癢

也只用甘桔湯加牛蒡子多服良如涎唾帶血此咽

中瘡或齒縫中出也不須妄治 瘡不起發悶亂喘

嗽手足寒飲冷者木香散瀉 嗽甚別無他證五味

子湯 如瘡光壯收靨身熱咳甚者人參清膈散主

之 如瘡已靨咳嗽者不問形寒飲冷所致並宜入

參清膈散主之

若涕唾稠粘鼻塞不利者乃風邪傷肺也亦惺惺散

參蘇飲主之俱初

若痰盛煩躁痘赤壯熱飲冷者乃脾肺實熱也人參

清膈散主之并飲芹菜汁

若痰唾稠粘大便黑色乃胃經熱毒也用犀角湯失

血并飲芹菜汁以解之

後

病後餘毒咳嗽者升麻湯初 感寒頭痛身熱惡寒

而嗽者參蘇飲 煩熱而嗽者生地黃散 風熱咳

痘疹方

初

初

嗽咽膈不利甘桔防風湯喉咽兼喘五味子湯病
後咳嗽脇疼者蓋脇居一身之左右陰陽一氣之所
行也餘毒在中二氣不能升降故脇痛用赤茯苓湯
小柴胡湯發熱加五味子桔梗枳殼等解去毒氣則
真氣行而所苦自平矣

表若痘交七八之期而身發火熱惡嗽連聲鼻竅衝
出鮮血金虛則鳴鼻毒激蕩於太陰之絡故耳以杏
仁伍錢冬花伍錢門冬伍錢瓜萸仁伍錢與梨汁共
煎為膏時取起再加白蜜人乳緊煎數沸納於磁器
內每辰昏進兩匙其効神應歌曰痘中惡嗽衝出

血要識金虛鼻毒徹冬花杏仁與麥門梨汁瓜萸仁
最切熬膏投和白蜜中量數斟加入乳捷去火緊封
磁器內晨昏進服嗽聲歇痘中患嗽極為凶險但
有感冒風邪於肺絡而嗽者不在此犯論易治易痊
若元虛氣鼻甚宜調養而男子時邁十七八歲破陽
損精痘犯於此貴宜按方法服治斯免夭亡矣
白木湯治咳嗽嘔吐痰涎氣喘通用

- 白木壹錢
- 陳皮
- 白茯苓
- 五味子半錢
- 半夏
- 杏仁各壹錢
- 甘草半錢

痘中惡嗽
方寸五
七

水一盞半生薑三片煎六分分二服

五味子湯 喘促咳嗽通用

五味子 貳錢 人參 麥門冬

杏仁 陳皮 各壹錢

右判散水一盞煎六分空肚溫服兒小者分二服

人參清膈散

人參 柴胡 當歸

芍藥 知母 桑白皮

白朮 黃耆 紫苑

地骨皮 茯苓 甘草

桔梗 各壹兩 黃芩 半兩 石膏

滑石 各壹兩半

右為麤末每服三錢水一大盞生薑三片同煎至

六分去滓溫服不拘時量兒大小加減服

生地黄散 治小兒癰疹身熱口乾咳嗽心煩等證

生地黄 半兩 麥門冬 去心壹錢 杏仁

款冬花 陳皮 各叁錢 甘草 貳錢半

右每三五錢水煎徐徐服兒大加之若痰氣痘熱

內作宜用桔梗甘草防風湯若痰上壅者佐以抱

龍丸

赤茯苓湯

赤茯苓

甘草

大青

升麻

枳殼

梔子各壹錢

右用水一小盞苦竹葉七片豆豉三十粒煎五分

分爲三服看兒大小加減

桔梗湯 治久嗽肺氣傷而吐痰有血痰或腥穢或

咳吐膿血肺癰等證

桔梗炒

貝母去心

知母

桑白皮

枳殼各壹錢

地骨皮

瓜蒌仁

薏苡仁

杏仁各伍分

當歸

黃耆微炒

防己各壹錢

五味子

百合炒各壹錢伍分

葶藶炒伍分

右每服三五錢水煎服

喘

諸喘皆屬於火肺者藏之長也為心華蓋心火炎上則肺焦葉舉氣逆不利而喘也有因風寒而喘者有因傷食而喘者惟瘡疹之喘獨屬於火若加洩利腹脹煩躁則不可治如初發熱便喘者前胡枳殼湯主之大便祕者可用服此不止以葶藶丸治之如喘而大便自利者黃芩湯痘腹痛加五味子人參主之痘出後喘急痰盛宜杏仁湯人參清膈散嗽瘡已出未靨之間喘渴白朮散渴甚者木香散虛寒之證方如瘡正盛忽然喘急者此惡候也當詳審可用之

痘疹喘

初五

百二

此處有非常模糊的印文或手寫文字，難以辨認。

之如因傷食穀氣蒸而為熱上乘於肺作喘者宜利
之丁香脾積丸傷食主之食去熱除喘自定也如
因感冒風寒而喘者麻黃湯主之如泄瀉內虛腹
脹而喘者陳氏木香散瀉主之利止喘定者生滑利
不禁喘滿增盛者此氣脫候也收靨後腹脹喘渴
大便利小便澀葶藶木香散喘而嗽五味子湯
喘渴靨後餘毒不除大便堅實前胡枳殼散
錢氏法喘而腹滿大小便澀者利小便不瘥者宣風
散痘發下之海藏法瘡疹肺不利紫草甘草枳殼
湯陳氏法痘出之間或氣促者木香散主之薛

氏法脾肺虛弱白朮散瀉脾肺虛寒木香散瀉
熱毒內蘊紫草甘草枳殼湯風邪外感參蘇飲初
內外壅滯人參清膈散喘大便自利小便澀滯
葶藶木香散大便堅實前胡枳殼散
杏甘湯治瘡痘煩喘渴躁

麻黃 桑白皮 杏仁

甘草 右等分為麤末每服三錢水一盞煎食後服

麻黃湯 麻黃 杏仁 甘草各等分

石膏 倍用

右剉細加臘茶葉一錢水一盞煎七分去渣服無時一方無石膏有桑白皮

園前胡枳殼湯 治痰實壯熱胸中壅悶卧則喘急

前胡

枳殼

赤茯苓

甘草 炙各伍錢

大黃 量兒加減

右咬咀每服三錢水一盞煎六分旋服

葶藶丸

甜葶藶

黑牽牛 炒

杏仁 另研

漢防已 各壹兩

便利

右為末入杏膏取蒸陳棗肉和搗為丸如麻子大每服五丸至七丸淡生薑湯下葶藶木香散 治大便自利小便澀滯喘嗽腹脹不能食宜多服為妙

豬苓

澤瀉

茯苓

白朮

官桂

葶藶

木通

木香

甘草 各半錢

滑石 貳錢

右剉散水一盞煎半盞空肚溫服忌油膩分為二服

紫草甘草枳殼湯

紫草

甘草

枳殼各等分

右每服一二錢水煎

葛根黃芩湯

治喘有汗發熱咳嗽

乾葛

黃芩各貳錢

黃連

芍藥

石膏各壹錢

五味子拾壹粒

甘草伍分

水煎服

五味子湯

治喘促而厥

五味子壹錢

人參壹錢

麥門冬

杏仁各貳錢

右薑三片棗三枚水煎服

六味涼血消毒散

犀角如無用
升麻

牡丹皮

當歸

生地黃

赤芍藥

生甘草各等分

右每服三五錢水煎

涕唾稠粘

陳文宿先生云瘡痘涕唾稠粘身熱鼻乾大便如常小便黃赤用人參清膈散如痰實壯熱胸中煩悶大便堅實卧則喘急用前胡枳殼散竊謂前證若肺胃實熱氣鬱痰滯或大便秘結小便赤澀煩渴飲冷宜用人參清膈散表散外邪疎通內熱使邪不壅滯若毒蘊臟腑大便秘結用前胡枳殼散疎導其裏調和榮衛使邪自解散若痰嗽涕唾鼻塞不利宜用惺惺散或參蘇飲發散外邪庶元氣不傷痘瘡輕而易愈

痘瘡 痘科五

人參清膈散 痘瘡

惺惺散

前胡枳殼湯 痘喘

參蘇飲 俱痘初熱

[Faint bleed-through text from the reverse side of the page]

失音 參形氣條者

海藏云痘疹初出後聲音洪亮形病而氣不病也痘疹未發聲音不出形不病而氣病也瘡疹既發聲音不出形氣俱病也氣病宜補肺散加黃耆形氣俱病宜用八風湯或涼膈散去硝黃主之小兒稟賦素弱者宜預服十奇散

補肺散

阿膠 壹錢半 炒成珠

牛蒡子 炒參

馬兜鈴 半錢

甘草 貳分

杏仁 叁粒去皮尖

糯米 壹錢 炒

加生黃耆 伍分

五言失音

初科五

百七

右為末分二服水一小盞煎六分食後時時與之
八風散 即八風湯

藿香 半兩 去土

白芷

前胡 去蘆各

黃耆

甘草 炙

人參 各兩

羌活

防風 各兩

右為末每服壹錢用薄荷少許煎湯調服

涼膈散 發熱

十奇散 即十宣散 見起發

有心火刑肺而失音者肺屬金主聲中有二十四空
凡發諸語言者皆其空中之氣鼓動也五行金空則
鳴實則啞瘡疹之火起於心上熏於肺肺氣脹鬱故

竅塞而無聲也以導赤散 合甘桔湯 咽喉 加炒牛

勞子主之或用人參平肺散 若津液不足虛火熏

蒸者宜用地黃丸 腎

有毒歸腎而失聲者經曰足之少陰上繫於舌絡於

橫骨終於會厭會厭者音聲之戶也舌者音聲之機

也橫骨者神氣所使主發舌者也瘡黑陷伏則毒入

腎邪氣上客於厭則厭不能發發不能出開闔不利

故猝啞也 有喉舌潰爛而失聲者咽喉者所以司

呼吸納飲食發音聲猶管籥也毒火上熏咽喉先受

賁門會厭舌腭之位皆瘡所聚初出之時失於調治

以致咽喉腫塞管竅窄狹舌本強硬呼吸不能飲食
不入音聲不出矣此上一證治之則難
若七日後痘瘡成漿之際而失音者乃氣喉有痘初
出細小不覺及至肌表之痘成漿喉中之痘亦成漿
其毒壅盛則氣出管竅窄狹故所出之聲不清而為
咽啞也大率七日前失音者並為逆證七日後而有
者不治自愈蓋外痘結痂則喉之痘自痊故也當用
甘桔湯服於已發未發之前所以清其氣道使毒不
犯此預治之法不可不知
若痘瘡屬後而失音者餘毒過盛上攻於咽以致腫

痛乾澀聲音不出宜甘露飲咽喉 甘桔防風湯咽喉

天花散玄參升麻湯咽喉 主之

天花散 治痘疹後失音

天花粉 桔梗 茯苓

訶子 石菖蒲 甘草各伍錢

右為極細末用水調在碗內小竹七莖小荆芥七莖縛作一束點火就碗內煎臨睡服每服一錢

清肺散 治患痘咽乾聲啞

麻黃壹錢伍分 麥門冬 桔梗各貳錢
知母 荆芥 天花粉各壹錢

訶子

菖蒲各捌分

右劉分爲二服入竹瀝薑汁水煎服

梔子菖蒲湯 治小兒痘證因熱毒生風瘡啞不語

梔子壹錢參分

石菖蒲

紫草茸各壹錢

山豆根

生犀

黃連各壹錢

羌活

木通

白殭蠶

杏仁

韭子

鼠粘子各壹錢

升麻

蟬蛻

薄荷柒分

右劉散每服五錢水煎食遠服

紫河車散 治小兒痘瘡毒氣不解上攻咽喉聲音

不出舌頰生瘡退逆煩悶潮熱面赤

紫河車即金線重樓

茜根

貫衆各參錢

白芍藥

甘草炙各伍錢

右每服三錢生薑一片水煎服

一方有牛蒡子

噲化丸

薄荷葉貳兩

訶子肉柒錢

桔梗壹兩

甘草柒錢

瓜蒌皮穰壹兩

白殭蠶炒柒錢

風化硝伍錢

黍粘子炒壹兩

右爲極細末煉蜜丸如芡實大噲化嚙津兒小不能噲則調化頻抹其口中

古藥三錢主薑一丸水煎服
 甘草 正合
 甘果 合
 不出

噎水

難經云會厭為吸門胃為賁門病痘之人毒火上熏於肺灼於胃肺與胃之上口皆有瘡而傷矣水入則噎者賁門傷則水不得入噎入會厭會厭掩而不內故氣逆噴出而噎也食入則吐者賁門傷則門戶隘塞食物不能直奔於胃緩則汨汨而下急則阻而吐出矣此其惡候鮮有生者其或舌上有瘡爛破如蜂巢之狀舌痛強硬不能為用延納水穀亦使水入則噎食入則吐待舌瘡平則安矣 咽以嚙物喉以候氣咽居後而通於胃喉居前而通於肺肺無下竅如

橐籥然能受清虛之氣而不受有形之物喉上有物若懸乳名曰會厭凡物入口則舌抵上齶舌抵上齶則會厭必揜其喉故水穀但入咽而不入喉若痘生會厭則木強不利開闔矣乾物間可入咽而水飲或漏入喉所以噎也噎者猶云錯喉氣須藥補湯藥不入則無補法故不可治 翁七日以前痘色紅紫而兼此證者乃火氣炎上熱毒壅塞故也痘色灰白不起而兼此證者乃氣血虛弱肺胃受傷故也二者俱是逆證七日以後外痘蒸長光潤而有此證者是內證亦長故致如此外痘結痂則內證亦磨矣不治自

愈善治者當察毒盛之痘於其咽喉乾燥之先而用甘桔湯解毒湯加麥冬瓜蒌皮穰牛蒡子玄參荆芥之類以清氣道不使熱毒有犯則自能免此患矣 袁氏治噎逆歌曰痘中噎逆最凶危沉香濃汁杏仁推還把蜂糖多和水按經煎透瀘查隨欲服晨時加好乳湯中溫熱漸調之 余每詳察痘噎者乃元氣耗鑠鼻炎上升故致噎逆準恪後方

人乳壹鍾人參壹錢桔梗壹錢枇杷葉叁片共煎瀘查服乳或用沉香磨入乳服者雖効總不若此方之屢見捷也

吐利

萬瘡疹吐利常候也經曰諸嘔吐暴注皆屬於熱蓋
三焦為水穀傳化之道路熱火內迫則傳化失常而
吐利併作火性燥動迅歛故也邪在上焦但吐而不
利邪在下焦但利而不吐邪在中焦則上吐下利又
裏氣上逆而不下則吐氣下而上則利瘡疹初發
熱時有吐利者不可驟止令邪氣上下得出也吐利
久不止方可治之更宜消息薛痘疹方云痘疹吐
瀉蓋因脾胃不和飲食不調煩渴嘔吐泄瀉並用白
朮散渴然瘡疹皆賴脾土脾土實則易出易磨萬物

痘疹吐利

刀手五

何三

[Faint bleed-through text from the reverse side of the page]

得土氣溫煖而生吐瀉則傷脾土遂有更變之證夏
月中暑煩渴瀉或腹痛或欠筋用五苓散驚加藿香
傷食吐瀉用小異功散吐瀉手足並冷者用益黃散
脾荳蔻丸泄利頂陷灰白用水香散渴瘡正出而吐
瀉者或見血者俱為逆證難治竊謂前證雖因脾胃
不和然邪實上焦則宜吐邪實下焦則宜瀉如吐瀉
變腐吞酸皆宜宣發但微甚不同耳張翼之云若痘
疹吐瀉少食為裏虛陷伏倒靨灰白為表虛二者俱
見為表裏俱虛合用十二味異功散救之見形甚全
薑附靈砂亦可用若止裏虛去官桂止表虛減肉豆

蔻若能食便秘倒靨為裏實而補當用錢氏及丹溪
法下之皆為能食為裏實裏實而補則結癰毒紅活
綻凸為表實表實而補則潰爛不結痂凡痘見癰便
忌葛根湯恐發表虛也如有更變當隨證治之張
吐瀉有冷熱二證吐而不渴瀉而手足冷面色青白
此冷證也益黃脾理中輩主之或四君子加木香豆
蔻亦妙既吐且渴雖瀉而手足心熱面赤居處喜冷
此熱證也五苓散驚竹葉石膏湯痘渴加橘皮等主
之大吐而身熱煩渴腹滿而喘大小便澀面赤悶亂
錢氏云此當利小便不瘥者宣風散痘發熱下之百問

痘疹吐利

刀針五

百四

方用香蘇飲吐加半夏茯苓白芍瀉加白朮茯苓煩躁嘔吐渴瀉者亦熱也白朮散渴最當紫草木香湯亦可

理中湯

人參

白朮

乾薑

白茯苓

甘草節各等分

右咬咀用水一盞煎伍分不拘時服如惡寒加附子名附子理中湯每貼二錢半

香蘇飲 治小兒痘疹作瀉

香附子

陳皮

紫蘇

川芎

甘草

白芷各等分

右剉散每服三錢生薑葱白煎或白水煎瀉加白朮茯苓嘔加茯苓白芍藥

紫草木香湯

治痘出不快太便泄利

紫草

木香

茯苓

白朮各等分

甘草減半

一方無甘草

右剉散入糯米百粒水煎服每貼三錢紫草能利大便白朮木香佐之脾氣虛者加人參

人參胃愛散 治痘瘡已發未發吐瀉不止不思飲食或吐逆等證

人參

甘草炒

木瓜各等分

藿香

丁香

糯米

紫蘇

茯苓

右每服三錢薑棗水煎

初發熱自利而吐者黃芩加半夏湯主之更詳審吐利所出之物如吐酸水者利色黃或青綠者其氣臭者皆熱也若吐清痰之水利下清白不臭未可作熱治之乃內虛也四君子湯加訶子肉及益黃散脾一云痘欲出未出而吐利者是中焦停寒或挾宿食也四君子湯加砂仁橘紅或中和散有宿食者用

紫霜丸癰

發熱時吐瀉不止身熱口渴者四苓散

加黃連淡竹葉煎服五苓去

黃芩加半夏湯

黃芩壹錢

半夏湯泡七次貳錢

甘草炙壹錢

生薑壹錢

白芍藥酒拌曬九次叁錢

大棗貳枚

右剉細水一盞煎七分溫服渴去半夏加枇杷

葉去毛炙貳錢蘆根茅根各叁錢

中和散治中焦停寒或挾宿食

厚朴壹錢

白朮捌分

乾薑肆分

甘草叁分

右剉細作一服加生薑一片水煎稍熱服
 起脹灌膿時吐利並作宜急治之胃寒者益黃散理
 中湯胃熱者黃芩半夏湯調四苓散
 屬後吐瀉亦分冷熱冷者亦宜益黃理中輩熱者四
 苓散竹葉石膏湯痘瀉加橘皮或竹茹湯亦可
 竹茹湯

橘紅

半夏

白茯苓

黃連薑炒各壹錢

甘草伍分

竹茹壹團

葛根壹錢伍分

右水一鍾生薑二片煎五分不拘時溫服分一貼

和中湯 虛吐不止即鎮胃止吐湯加入參

人參

茯苓

甘草各伍分

白朮

半夏各捌分

陳皮

藿香

砂仁各壹錢

右用生薑水煎服

藿香正氣散 治初熱乾嘔

藿香

紫蘇

大腹皮

陳皮

桔梗

甘草

茯苓

半夏

厚朴

白芷

豆卷吐利

切斗五

百七

右薑棗煎服
 凡瘡痘已經大吐大瀉之後上下俱脫即當用大補之劑縱有他證皆以虛論庸醫每不顧入元氣用藥剋削而致天枉者滔滔皆是可恨也

白朮 *半夏* *刺棗* *甘草* *茯苓* *白朮* *半夏* *刺棗* *甘草* *茯苓* *白朮* *半夏* *刺棗* *甘草* *茯苓*

吐逆

胃為水穀之海上通乎咽內而不出如初發熱有吐逆之證此火邪犯胃其氣上逆治之則易若自出現以至收靨有是證者乃瘡集於咽門攻於胃脘吞嚥不利治之則難由於不知預解咽喉之法漸變為失音嗆水而不可救矣 初虞世云痘瘡吐逆無痰益黃散 脾 有痰二陳湯 痰飲 或橘皮半夏湯不止者加丁香 胃寒者宜之胃熱宜加 若吐而瀉者亦宜益黃散及陳氏木香散異功散吐而身熱煩渴腹滿喘大小便澀面赤者當利小便不瀝者宣風散下之 痘發熱

痘疹 吐逆 刀針

薛前證若手足竝冷渴飲熱湯或腹作痛中氣虛
 寒也宜用益黃散手足不冷吐逆痰涎中氣虛弱也
 宜用橘皮半夏湯手足竝熱熱毒壅滯也宜用導赤
 散口乾飲乳不徹胃經氣熱也宜用竹茹湯吐逆不
 乳或吐乳酸穢此脾氣虛而乳食停滯也宜枳木丸
 初發熱暴吐不止此火氣上逆也茱連散主之
 茱連散
 黃連半兩 吳茱萸貳錢
 右二味同炒研細末每服半錢生薑湯調服
 橘皮湯並

橘皮半兩留白半去 半夏壹錢 白茯苓壹錢

右剉細加生薑五分水一盞煎七分去香溫服
 橘皮湯治嘔吐不止飲食不入

陳皮 生薑各壹錢 人參伍分
 右水煎作三四次服之

橘皮半夏湯 橘皮 半夏等分

右每服三錢薑棗水煎
 如因飲水過多而嘔吐者此水道也五苓散主之
 如因傷食而嘔吐者以丁香脾積丸微利之

吐逆 刀斗五 百九

如無上證而嘔噦者人以胃氣為本胃者土也土敗則木來侮之今木挾相火之勢上乘乎胃其氣自臍下直犯清道上出於賁門胃上口也微則乾嘔甚則噦土敗之象也太素曰絃絕者其聲嘶敗木陳者其葉落病深者其聲噦短鍼無取毒藥無攻謂不治也

附方

丁香煮散 治脾胃虛冷嘔吐不食

蘇合丁香 不見紅豆 甘草

乾薑 青皮 川烏 良薑 胡椒

陳皮

益智 各等分

右剉散每服三錢用水一盞生薑二片煎六分加

鹽一捏不拘時服

加味鼠粘子散 治咽中有瘡作嘔

桔梗 射干 山豆根

防風 乾葛 陳皮

荊芥 連翹

水煎細細呷之

燈心竹葉湯 治乾嘔

竹葉 燈心

豉 吐逆 切 五 百

水煎服

祕方治嘔吐并吐瀉不止水穀不納者速効
用多年竈心赤色土為細末每服二錢米飲調下
小兒只一錢

瀉利

凡瘡未出而利者邪氣併於裏腸胃熱甚而傳化失常也黃芩湯主之
如自利清白色者為裏寒理中湯主之

黃芩湯

黃芩壹錢半

甘草炙壹錢

白芍藥陸錢

右剉細加大棗二枚水一盞煎七分温服食前

瘡已出而利者邪氣併於表正氣方逐邪氣主乎表而不主裏則裏氣虛不能停納水穀故亦自利也宜從氣虛而治

丸味理中湯倍入
參加黃耆白芍藥

豆卷

厚利

百生

九味理中湯

人參 貳錢

白朮

乾薑 炮

訶子肉

茯苓

木香

藿香葉

肉豆蔻 煨

甘草 炙各壹錢

水煎食前通口服

瘡疹所忌內虛泄瀉凡覺腹疼或漉漉響趨小腹者皆欲作利宜先以法治之九味理中湯治之不止此開腸洞泄惟澀劑可以收之藿香葉九不止則用真庸醫每不敢用澀藥恐澀住邪氣不知邪氣之盛莫如傷寒而張仲景治挾熱自利每用石脂蓋澀劑之去滑穢

寒劑之去熱熱劑之去寒是謂對證之藥今既滑泄不已自當收澀又何疑焉如服澀劑而又不止則根本已撥無能為矣經曰倉廩不藏者是門戶不要也金匱要略曰六腑氣絕於外者手足寒五臟氣絕於內者利不止五奪之中此為最甚但正氣內脫者淹延而死邪氣內陷者煩渴而死此為異耳
陳氏豆蔻丸 治痘疹泄瀉

木香

砂仁

白龍骨

訶子肉

肉荳蔻

煨 各半兩

赤石脂

枯白礬

各半錢

右為末糊丸如黍米大一歲二十九二歲百丸温
米飲下瀉止勿服

自起發以至收靨大便常宜堅實忽然自利者理中
湯丸主之
理中湯丸

人參

白朮

甘草

乾薑各等分

右剉碎水二盞煎一盞去香温服若欲為丸研細
末煉蜜丸如彈子大每用一丸白湯化下

參朮丸 治小兒脾胃傷冷外熱裏寒不思飲食身

常壯熱大便或溏色白或患瘡疹身有大熱因食
冷物或冷藥過度或瀉或腹脹或已出瘡疹癩白
無血色此由裏寒脾胃伏冷榮衛不行致令毒氣
內伏不出宜服之其瘡癩白無血色者皆從癩白
四圍紅暈再起作膿結痂而愈

人參

白朮

乾薑炮

甘草各壹分

右為細末米糕泡糊為丸如麻子大每服百餘丸
温水吞下或米飲亦得乳食前服前世之書如神
景諸論治傷寒云輕者用理中湯重者用四逆湯

豆豉湯

刀針

一

此乃胃足陽明經而感寒邪脾胃乃為中州之府
故用理中湯曰辛甘發散為陽以退寒邪也理中
湯煉蜜丸而嚼下曰理中丸蓋添蜜甘以入脾胃
嚼而便化於中焦今參朮丸以粳米糕為丸取其
難化服在脾胃滲漉漸得消化則中焦得煖脾土
喜燥其熱自歸此所以能治熱也

胃主腐熟水穀大腸主傳送已化之物故食多少可
以知人穀氣之虛實大便滑澀可以知人臟腑之冷
熱大便如常是亦瘡疹之一順也如起發之時忽然
泄瀉此宜急止之恐腸胃虛真氣脫也須辨冷熱虛

實如瀉而手足冷面色青白瘡不紅綻者冷證也理
中湯丸豆蔻丸益黃散脾甚則陳氏木香散異攻散
快皆可用也瀉下之物黃又酸臭渴手足心熱面
赤瘡紅綻焮發者熱證也黃芩湯五苓散驚主之脾
胃怯弱精神慢而不食者為虛當溫養之益黃散身
熱中滿渴而不食者為實當清利之五苓散其人或
藏氣自脫或因服寒藥致令瘡毒陷入大腸瀉下如
豆汁或便膿血或便黑汁口內臭氣唇焦目閉加腹
脹者必死之證
如因飲冷水自利者所謂濕勝則濡泄也宜溫中利

小便以理中丸温中以五苓散利小便去水
如因傷食自利者所出酸臭所謂飲食自倍腸胃乃
傷也宜先去其積丁香脾積丸傷食後補脾胃益黃

散脾

如結痂之時暴泄不止者消息所出之物痂皮膿血
者順水穀不分者逆如利膿血不止者此熱毒下流
也香連丸主之

香連丸 一名香楸丸

黃連 壹兩以茱萸伍錢同炒去萸不用

木香 半兩

石蓮子 取肉貳錢半 陳皮 半兩

右為末醋調神麩糊為丸如麻子大每服二三十
丸陳倉米湯下

渴

丹陳牙兒十九歲出痘有紅癩吐瀉而渴

蒼朮 壹錢

白朮 叁錢

陳皮 貳錢

黃耆

茯苓

甘草 炙

確砂

當歸 各壹錢半

薑三片同煎服

從子六七歲時患瘡痘發熱微渴自利一小方脉視
之用木香散每貼又增丁香十粒予切疑焉觀其出
遲因問自利而氣弱察其所下皆臭滯陳積因腸胃

痘疹

刀科

痘疹

熱蒸而下也恐非有寒而虛遂急止之已投一貼矣
 繼以黃連解毒湯加白木與十貼以解丁香之熱利
 止瘡亦出其後肌常有微熱而手足生癰癢與涼劑
 調補踰月而安 一男子十餘歲出痘熱時出根脚
 密嘔吐不食腰背骨節痛大渴喉痛腹亦痛全不食
 者半月餘脉浮弦洪而數與參耆歸木炙甘草陳皮
 半茯苓薑煎服之至五日色淡又加桂些少歸耆再
 用酒製至七日瘡甚加丁香參粒附子些少瘡止至
 八日九日渴大作而腹泄瀉瘡甚至十日寒戰遂用
 白木為君耆陳苓炙甘草歸為臣至十一日不嘔或

瘡或譫語但守前藥半月後自吐出痰多而安

陳十一味木香散 治疹痘腹脹渴其効如神必須審察

的是寒證六脉虛細身不甚熱或發寒或嘔吐
 肚腹瀉或身體四肢俱冷者可用此方出集驗

- 木香
- 大腹皮
- 人參
- 官桂
- 赤茯苓
- 青皮去白
- 前胡
- 訶子皮
- 半夏
- 丁香
- 甘草炙各參兩

右咬咀每服二錢水一盞薑三片煎空心溫服

異功散集驗方瘡痘頭溫足冷腹脹瀉渴方見痘出不快

不渴海瘡疹不渴藏寒下利四君子加乾薑減半主之

痘疹 痘疹 痘疹

痘疹大便不固痘漸黑陷小兒乳母同服

人參 白茯苓 肉豆蔻

黃耆各半 甘草炙貳錢

右咬咀每服一錢水半盞薑五片棗一枚煎二分

乳母倍服若大瀉手足厥冷加附子用驗

治中散 虛寒瀉利不進飲食

黃耆 人參 茯苓

白朮 川芎 當歸

肉桂各伍錢 肉豆蔻麩包煨熟取去油

丁香壹錢半 木香叁錢

右為末每五歲用五分好執酒調下衣被蓋煖少頃痘變紅活而起

更宜變易其法而致
亦為未甚正意用正公

大小便閉

劉提點云疹痘最要大小腑分曉所以錢氏四聖散
用木通枳殼極妙若大小腑自流利則不必苦泥
萬凡瘡疹小便欲長大便秘實經曰小便數者大便
必鞭雖二三日不更衣無苦也如小水少則病進蓋
心主瘡而屬火心移熱於小腸小腸移熱於膀胱膀胱
液為津液之府氣化則出氣為火食不能傳化而津
液不出故小便閉也瘡疹發熱大便欲潤若二三日
不行宜急利之恐腸胃不通榮衛不行瘡出轉密也
惟瘡起發之後大便却宜堅實如能食而大便常行

痘疹大小便閉

幼科五

百五

者不須忌之若過四五日不行則熱盛生濕其瘡難
醫亦宜微利之設使大小便俱不通則邪毒內畜三
焦阻絕經曰二息不運則機緘窮故大小便不通者
死

凡痘子要大小便自調則裏氣和無留邪也故小便
宜長而清如小便赤澀導赤散心小便短少八正散
瘡出太密小便不通者連翹湯益瘡子發熱不可驟
去惟利小便以折其鬱如痘稠密小便少者此氣血
衰少津液虛耗非熱也不可利之反損真陽之氣十
全大補湯汗主之能食者大便宜潤有人必有出也

不能食者大便宜實存舊穀氣以養血氣也如四五
日不行大便結燥者用膽導法導之不通以三黃丸
微利之如大結腹脹者以三乙承氣湯下之如大
便泄瀉即止之蓋痘瘡要裏氣實恐瀉得脾胃虛也
輕則理中湯丸瀉利益黃散脾豆蔻丸甚則陳氏木
香散俱瀉異功散出不快主之
聞人氏云痘出正盛喘促腹滿手掌心并腋下汗
或謔語妄言小便赤而大便不通者小承氣湯傷寒
之類下之若面赤黃大便秘澀小便少而或嘔者宜
小柴胡湯發熱熱甚而榮衛閉塞則毒氣彌蔓如裏

痘毒大小便閉

切要

痘毒

毒盛者大便不通小便如血如表毒盛者或為癰瘡
身上破裂此皆因不曾解利之故俱宜犀角地黄湯
失血小柴胡湯加生地黃四順飲發熱牛黃散腹痛
紫雪大科輩救之若毒凝血聚瘡成黑色大小便秘
喘急煩躁者治法見驗色條
治大小便俱不通以皂莢燒灰存性為末米飲調下
葵子末壹合水一盞煮至半鍾入豬脂半兩空心
服
小便不利痘疹方云痘疹未出之先小便不利熱盛
者恐欲起驚用導赤散心微解之熱入膀胱如有

血淋犀角地黄湯血失初出不快小便赤澀四聖散
見形出已出而赤澀白木散加木通五苓散加
不快木香丹溪用五苓散收靨之後小便不利煩熱而
渴緒苓散後痘薛前證當分所因若小腸熱結用導
赤散肝經熱用柴胡麥門冬湯後痘脾經熱用犀
角地黄湯肺經熱用生地黃湯痘咳腎經熱地
黃丸腎厥後氣血虛弱用八珍湯虛中氣虛弱
用五味異功散吐瀉萬凡瘡疹小便少者熱微導赤
散加山梔仁執甚八正散主之
八正散 治下焦積熱大小便不通或小便淋澀脉

痘疹方云小便不利

百三

證俱實者

大黃酒炒

車前子炒

瞿麥

蒟蒻

山梔炒

木通各壹錢

滑石煨貳錢

甘草壹錢

右每服二錢水煎

滋腎丸

黃檗炒黑

知母炒黑各貳兩

肉桂貳錢

右為末水糊丸

黃芩清肺飲

黃芩炒

山梔炒等分

右每服二錢水煎

紫草木通湯

治痘瘡出不快小便不利

紫草

人參

木通

茯苓

糯米各等分

甘草減半

右水煎服

通關散

此藥通心經利小便

山梔仁

大黃炒各壹分

木通

甘草多

車前子炒

赤茯苓

瞿麥

人參

滑石各叁分

扁蓄炒伍分

豆豉大小便閉

切對五

直三

右剉細用冰一盞燈心十根煎半盞温服
連翹湯

連翹

防風

瞿麥

荆芥穗

木通

車前子

當歸

柴胡

赤芍藥

白滑石

蟬蛻

黃芩

山梔子

甘草各五分

右剉細加紫草五分水一盞半煎一盞去渣食前

温服

紫草冬葵湯 治小便不通毒氣閉塞

紫草茸

山梔子

黃芩各壹錢

秦朮

苦參各壹錢

冬葵子壹錢

露蜂房

白茯苓

木通

白芍藥

澤瀉

車前子各壹錢

蟬蛻捌分

右剉散每服四五錢水煎食遠温服如急數輩
中痛者加甘草稍捌分苦棟子壹錢如痛甚欲死
者加川牛膝壹錢參分如有赤如血色者加胡黃
連壹錢參分如溺血者加當歸壹錢川芎壹錢龍
骨火煨兔絲子各壹錢紅甚者加生地黃白濁者

大下便期

三

加使君子各壹錢參分黃連壹錢壹分韭子研壹錢貳分濁甚者加桑螵蛸壹錢

大便秘薛陳文宿先生云痘疹四五日不大便以肥豬脰白水煮熟切豆大五七塊與食之滋潤臟腑瘡痂易落切不可妄投宣利之藥恐真氣內虛瘡毒入裏如六七日身壯熱不大便其脉緊盛與三味消毒飲見形微利之竊謂前證若毒在肌肉而未能盡發脉浮而緊者最宜此藥疎解其毒若脉沉而緊者宜用前胡枳殼散喘疎通毒氣以絕其源若口舌咽喉腫痛瘡毒甚也用射干鼠粘子湯咽喉若大便既通

作渴飲湯脾胃氣虛也用人參白朮散凡燥在直腸不能下者宜用豬膽汁導之忌用疎利之劑恐復傷胃氣則瘡未出者不能發出已出者不能灌屬大抵分辨虛實當以手足冷熱或飲水飲湯驗之萬如發熱時大便不行熱微者三黃丸發熱甚則承氣湯主之如起發至收靨大便不行者用膽導法不可遽用利藥但瘡乾黑陷大便秘煩躁者以百祥丸牛李膏黑陷主之如無此藥以承氣代之

賞當歸丸

當歸 半兩

甘草 壹分

黃連

大黃各貳錢半
先將當歸熬膏子入藥末三味為丸加服之以利為度

棗變百祥丸 治癰疹大便秘結

紅牙大戟去骨壹兩 青州棗去核拾枚

右用水二盞同煎至水盡為度去大戟將棗焙乾可和作劑旋丸從少至多以利為度

洗心散 治痘瘡壯熱大小便不利狂言多渴

大黃 甘草 當歸
麻黃去節 白朮 芍藥

荆芥各等分

右咬咀量病輕重多少薑薄荷煎溫服則平熱服則漉

三乙承氣湯

大黃 芒硝 厚朴
枳實各壹錢 甘草伍分

右剉細水一盞加生薑一片煎至七分去香食前熱服

膽導法

用大豬膽壹枚以鷲翎筒兩頭截齊一頭入膽中

虛加味四君子湯
線牢札定吹令氣滿納入穀道中直待氣過以去

人參

白朮

黃耆

白茯苓

甘草

瓜蒌根

桔梗

各等分水煎服
海藏以此治瘡疹已出未出大便
便秘澀或時發渴蓋有病者或因稟受不足或因
吐瀉之後或因汗多或利小便元氣既虛津液乾
涸不得潤滑而致大便秘澀者若妄行疎利何異
操刀必須此藥治之醫家切宜詳審勿令誤也

潤腸湯 治虛秘

當歸梢

甘草

生地黄

火麻仁

桃仁泥

水煎服

紫草麻仁湯

治瘡疹大便不通致毒氣閉塞

山豆根

紫草 各壹錢 壹分

鼠粘子

露蜂房

生犀

青皮

桃仁

麻仁

側柏葉

黃芩 各壹錢

杏仁 壹錢 貳分

右剉散每服四五錢水煎食遠服秘甚者加烏梅

肉柴分本已再加冬葵子壹錢伍分

淋瀝

雲散

山豆

木香

六神

當歸

赤石

赤石

赤石

赤石

赤石

赤石

甘草

酸酢

酸酢

酸酢

酸酢

酸酢

酸酢

生肌

